



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

7 269



# ՀԱՅՈՑ ԵԿԵՂԵՑՈՒ

ՀԱՄԱՌՕՏ ՊԱՏՄՈՒԹԵԼՆ ԴԱՍԱԳԻՐՔ

Պետական միջնակարգ դպրոցների դասընթացին  
յարմարացրած

Կ Ա Ջ Մ Ե Ց

ՅՈՎՀԱՆՆԵՍ ԱԻԱԳ ԳԱՀ ՄԱՐՏԻՐՈՍԵԱՆ

Կրօնուսույց թիֆլիզի օրիորդական III գիմնազիոնի:

281(91.54)109  
Մ-38

Թ Ի Յ Լ Ի Ջ

Տպարան Վրաց Հրատ. Բնկ. №1 | Типография Груз. Изд. Т-ва.  
Большая Ванская ул.  
1903

ՀԱՅՈՑ ԵԿԵՂԵՑՈՒ

ՀԱՄԱՌՕՏ ՊԼՏՄՈՒԹԵԼՆ ԴԼԱՍԳԻՐՔ

281 (= 91.54) (09) ւր.

Մ-38

ՏԿՏ

Պետական միջնակարգ դպրոցների դասընթացին  
յարմարացրած

Կ Ա Ջ Մ Ե Ց

ՅՈՎՀԱՆՆԵՍ ԱԻԱԳ ԳԱՀ. ՄԱՐՏԻՐՈՍԵԱՆ

Կրօնուսույց թիֆլիզի օրիորդական III գիմնազիոնի:

1007  
31473  
3625

Թ Ի Յ Լ Ի Ջ

Տպարան Վրաց. Հրատ. Ընկ. III Типография Груз. Изд. Т—ва.  
Вольная Баньская ул.

1903



26 . 06 . 2013

ՀԱՅԱՍՏԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

ՊԵՏԱԿԱՆ ԳՐԱԳԻՏՈՒԹՅԱՆ ԿԵՆՏՐՈՆ

Պետական գրադարանի փոխգործակցի մարմանը  
Նախագահությանը

Дозволено цензурою. Тифлисъ, 5 декабря 1902 года.

Ըստ բարձու հրամանի Նորին Ս. Օծութեան Վեհափառ  
Հայրապետի ազգիս Տ. Տ. ՄԿՐՏՁԻ, Գիւանս թոյլատրէ տալա-  
գրութիւն դասագրքոյս, որ ընդ անուամբս «Հայոց եկեղեցու  
համառօտ պատմութեան դասագիրք»:

Գիւանապետ Կորիւն վարդապետ:

յՅ Գեկտեմբերի 1902 ամի

ի Տփլիս:

№ 1672.



1902

# ՄԻՔԱՆԻ ԽՕՄՔ

ԳՐՔՈՅԿԻՍ ԼՈՅՍ ԸՆԾԱՅԵԼՈՒ ԱՌԻԹՈՎ

Տասը տարի անընդհատ կրօնուսուցչի պաշտօն վարելով Թիֆլիզի օրիորդական երրորդ գիմնազիօնում, մեծ անյարմարութիւնների էի հանդիպում առհասարակ կրօնագիտութեան բոլոր դասագրքերի վերաբերմամբ, նամանաւանդ Հայոց եկեղեցական պատմութեան դասագրքի. որովհետև եղածներից մէկ մինը չէ յարմարացրած պետական դպրոցների տարեկան դասընթացի ծրագրին, ուսանողների զարգացողութեան և մայրենի լեզուի գիտութեան աստիճանին:

Առաջին տարիներում իբրև փորձ ստիպուած էի զանազան հեղինակութիւններից, գլխաւորապէս Յուսիկ վարդապետ (այժմ եպիսկոպոս) Մովսէսեանի և Յովսէփ ա. քահանայ Օրբէլու դասագրքերից միմիայն պատմութեան ամենակարևոր հատուածները քաղուածք անել և բերանացի աւանդել աշակերտուհիներին, որովհետև իւրաքանչիւր դասարանում յատկացրած լինելով շաբաթական մի-մի դաս, ամբողջ ուսումնական տարում միջին թուով պարապում էի մօտաւորապէս 25—27 դաս, և այս բոլոր դասերը լրիւ չէին լսում ամենքը՝ մերթ աշակերտուհիների, մերթ ուսուցչի բացակայութեան պատճառով հիւանդութեան դէպքերում կամ տօների առիթով:

Այս փորձը յաջողվում էր ինձ միայն սրամիտ և ընդունակ աշակերտուհիների վերաբերութեամբ, մնացածները առանց դասագրքի շատ էին դժուարանում դասերը պատրաստել, որոնց համար իբրև դասագիրք նշանակում էի Օրբէլու եկեղեցական պատմութիւնը և այդ վերջիններից միշտ լսում էի հետևեալ խօսքերը. «Տէր հայր, մեզ տուէք մի գիրք այնպիսի բովանդակութեամբ, ինչպէս որ դուք էք պատմում, այն ժամանակ մենք հեշտութեամբ կը պատրաստենք մեր դասերը:

Աշակերտուհիներին ցանկութեան համաձայն կազմելով ներկայ «Դասագիրքը», համեմատ մինչև ցայսօր աւանդած ծրագրի և ուղղութեան, նուիրում եմ նոյն գիմնագիտի Մանուհիներին, իբրև սկզբնապատճառի գրքոյկիս լոյս ընծայելուն, և ցանկանում նրանց բոլորին բարոյական զարգացումն Քրիստոնէական ճշմարիտ հաւատի, յոյսոյ և սիրոյ մէջ:

Գրքոյկիս վերջը գետեղել եմ նաև մի հատուած «Հայոց նշանաւոր վանքեր» անունով, որովհետև շատ անգամ է պատահում, որ ուսումնարանի դասընթացն աւարտողներից ոմանք մինչև անգամ չեն իմանում թէ՛ որտեղ են գտնվում մեր ամենայայտնի վանքերը և թէ՛ ինչ նշանակութիւն ունեն: Յիշեալ հատուածը գրելու ժամանակ օգտուել եմ պ. Կ. Կոստանեանցի «Հայոց վանքեր» անունով գրքից: 3.

Յ. ա. ք. Մ.

## ՅՐԶԱՆ Ա

ՔՐԻՍՏՈՆԵԱԿԱՆ ԵԿԵՂԵՅՅԻՆ ԱՌԱՔԵԱԼ-  
ՆԵՐԻ ԺԱՄԱՆԱԿ

1.

ՔՐԻՍՏՈՆԵԱԿԱՆ ԵԿԵՂԵՅՅՈՒ ՍԿՋԲՆԱԽՈՐՈՒԹԻՒՆԸ,  
ՄԱՏԱԹԻԱՅԻ ԸՆՏՐՈՒԹԻՒՆԸ ԵՒ ՍՈՒՐԲ ՀՈԳԻՈՅ ԳԱ-  
ԼՈՒՍՏԸ

Այն փրկութեան աւետիսը, որ Աստուած խոստացել էր մարդկութեան իւր նահապետների և մարգարէների միջոցով, կատարուեց այն ժամանակ, երբոր Յուդայի ցեղի իշխանութիւնը վերացաւ. այս ժամանակում ծնուեց խոստացուած Փրկիչը Մարիամ ս. Կոյսից սուրբ Հոգւոյ շնորհքով Յուդայի երկրի Բեթղեհէմ քաղաքում մի այրի մսուրի մէջ: Ութերորդ օրը թւիատուեց համաձայն հրէական օրինաց և անուանուեց Յիսուս, որ նշանակում է Փրկիչ: Ապա քառասներորդ օրը ընծայուեց տաճարին, ուր ծերունին Սիմէօն առաւ գիրկը և անուանեց նորան «Հեթանոսների և Իս-



րայէլի փառք»։ Յիսուս 12 տարեկան հասակում իւր ծնողների հետ գնաց Երուսաղէմի տաճարը և Քահանայապետների ու զպիւրների առաջ ցոյց տուեց իւր Աստուածային հանճարը։

Երեսուն տարեկան մկրտուեց Յորդանան գետի մէջ ս. Յովհաննէս Մկրտչից և ապա յայտնեց իւր անձը աշխարհին, բարոզեց մարդկանց սէր և խոնարհութիւն, տուեց նոր ուխտի օրէնքները, գործեց հրաշքներ, շարչարուեց, մեռաւ խաչի վրայ, թաղուեց գերեզմանում և երրորդ օրը յարութիւն առնելով փրկեց ամբողջ մարդկութիւնը, որով և դրեց Քրիստոնէական եկեղեցու հաստատուն հիմք։

Յիսուս Քրիստոսի համբարձումից յետոյ, երբ Նրա առաքեալները վերադարձան Ձիթենեաց սարից, միւս աշակերտների հետ Ժողովուեցին Երուսաղէմ և հաւատացեալների միջից ընտրեցին երկու բարեպաշտ անձինք՝ Մատաթիային և Բարսաբային, ապա բոլորը միասին աղօթեցին և խնդրեցին, որ Աստուած յայտնէ թէ որն է նրանցից արժանաւորը առաքելական պաշտօնի համար, յետոյ վի-

ճակ գցեցին և վիճակն ընկաւ Մատաթիային, և նա համարուեց տասներկուերորդ առաքեալ՝ մատնիչ Յուդայի փոխանակ։

Պատէքի տօնից յիսուն օր յետոյ, հրէաները Պենտեկոստէի տօնն էին կատարում որպէս յիշատակ Սինայի օրէնստուութեան. այդ օրը (Համբարձումից տասն օր յետոյ) Յիսուսի աշակերտները և միւս հաւատացեալները, որոնց հետ էր նաև Տիրամայրը, թուով 120 հոգի, բոլորը միասին ժողովուած Երուսաղէմի վերնատանը, մի սիրտ և մի հոգի դարձած աղօթում էին և անհամբեր սրտով սպասում սուրբ Հոգւոյ շնորհքն ընդունելու, ինչպէս որ Փրկիչը նրանց խոստացել էր։ Յանկարծ լուեց մի երկնային ձայն՝ քամու պէս, և շարժեց այն տունը, ուր հաւատացեալներն էին։ Սուրբ Հոգին իջաւ բոլորի վրայ հրեղէն լեզուների նման և Առաքեալները զօրացան սուրբ Հոգւոյ շնորբով, սկսան խօսել զանազան լեզուներով, ինչպէս որ ս. Հոգին նրանց թելադրում էր։

2.

ՔՐԻՍՏՈՆԵՈՒԹԵԱՆ ԱՌԱՋԻՆ ՏԱՐԱԾՈՒՄԸ ԵՐՈՒՍԱ-  
ՂԷՄՈՄ ԵՒ ԵՕԹԸ ՍԱՐԿԱԽԱԳՆԵՐԻ ԸՆՏՐՈՒԹԻՒՆԸ

Պենտեկոստէի տօնի օրը՝ երբ Առաքեալ-  
ները զօրացած սուրբ Հոգւով խօսում էին  
ամեն լեզուներով, տօնի պատճառով շատ  
հրէաներ եկած էին Երուսաղէմ. նրանք լը-  
սելով առաքեալների խօսակցութիւնը, զար-  
մանում էին: Պետրոս առաքեալը այս ժա-  
մանակ սկսեց քարոզել նրանց և բացա-  
տրել Յիսուս Քրիստոսի փրկարար վարդա-  
պետութիւնը, Նրա մահը և յայանութիւնը.  
և այս առաջին քարոզութիւնով 3000 հո-  
գի ընդունեցին քրիստոնէութիւն: Իսկ եր-  
կրորդ անգամ երբ Պետրոս և Յովհաննէս  
առաքեալները ցերեկուայ իննը ժամին գը-  
նում էին տաճար աղօթելու՝ Պետրոսը Յի-  
սուս Քրիստոսի անունով բժշկեց 'ի ծնէ  
կաղին, որ տաճարի դռան մօտ նստած  
անցուղարձ անողներից ողորմութիւն էր  
խնդրում: Այդ օրը նոյնպէս իւր ազդու քա-  
րոզութիւնով 5000 հոգի դարձրեց քրիս-  
տոնեայ, և այս ժամանակ քրիստոնեայ ե-

կեդեցին ամենամեծ յաղթանակով յառա-  
ջագիծում էր Երուսաղէմում:

Սրանից յետոյ հաւատացեալների թիւը  
օրէցօր աւելանում էր առաքեալների քա-  
րոզութիւնով և հրաշքներով, որ կատա-  
րում էին առաքեալները Յիսուս Քրիստոսի  
անունով, իսկ նրանց կեանքն ու վարքը  
այնպէս անարատ էին, որ շատերն էին գրաւ-  
վում, որովհետև առաջին հաւատացեալները  
ապրում էին իբրև մի գերդաստանի ան-  
դամներ. ո՞վ ինչ ստացուածք ունէր, այն  
ամենքին էր պատկանում, ամեն բան հա-  
սարակաց էր և նրանց բոլորովին միմեանց  
հետ կապողն էր քրիստոնէական հաւատի  
ուսմունքը, որ նրանց ամենօրեայ մրմունջն  
էր. նրանք մի սիրտ և մի հոգի դար-  
ձած աղօթում էին միասին և ուտում էին  
հասարակաց սեղանից:

Եւ որովհետև հաւատացեալների թիւը  
այսպէս զգալի կերպով աճում էր, իսկ ա-  
ռաքեալները չէին կարողանում կատարել  
միաժամանակ թէ նրանց հոգեկան պի-  
տոյքները և թէ ծառայել հասարակաց սե-  
ղանին, ուստի հաւատացեալների միջից ընտ-

րեցին եօթը բարեպաշտ մարդկանց և ձեռք դնելով նրանց գլխին, ձեռնադրեցին սարկաւազ և նշանակեցին հասարակաց սեղանին սպասաւոր, որոնք ազատ ժամերին, իբրև օգնականներ, քարոզում էին հաւատացեալներին Քրիստոսի վարդապետութիւնը: Սրանց մէջ ամենից նշանաւորն էր սուրբ Ստեփաննոս սարկաւազը, որպէս ճարտար և աներկիւղ քարոզիչ:

3.

ՔՐԻՍՏՈՆԷԱԿԱՆ ԵԿԵՂԵՑՈՒ ԱՌԱՋԻՆ ԹՇՈՒՍԱՌՈՒԹԻՒՆԸ, ՍՈՒՐԲ ՍՏԵՓԱՆՆՈՍԻ ՆԱՀԱՏԱԿՈՒԹԻՒՆԸ ԵՒ ՀԱԼԱԾԱՆՔԸ ՀՐԷԱՅ ԵՒ ՀԵԹԱՆՈՍ ԱԶԳԵՐԻՅ

Առաքեալների եռանդուն քարոզութիւններով որքան աւելանում էր հաւատացեալների թիւը, նոյն չափով էլ աւելանում էր Հրէից ազգի նախանձն ու ատելութիւնը դէպի քրիստոնէաները: Հրէից քահանայապետները գրգռուած քրիստոնէական եկեղեցու յառաջագիժութիւնով, իրանց ժողովների մէջ որոշեցին և խիստ հրաման սրձակեցին, որ առաքեալները չվստահանան քարոզել Յիսուս Քրիստոսի անունով: Բայց

չնայելով այդ խստութիւններին, աշակերտները դարձեալ շարունակում էին աւետարանական քարոզութիւնները, ուստի և հրէաները՝ նրանց վախեցնելու համար, երկու անգամ բանտարկեցին. սակայն նրանք Աստուածային հրաշքով ազատուեցին բանտից և դարձեալ շարունակում էին իրանց քարոզութիւնը Երուսաղէմի տաճարում և դուրսը:

Այս տեսնելով, քահանայապետները ատեան կազմեցին և կանչելով Յիսուսի աշակերտներին, կամենում էին նրանց մահուան պատիժ տալ. բայց ժողովականներից մէկը, Քամաղիէլ անունով, որ մի օրէնուսոյց փարիսեցի էր, զգուշացնելով նրանց յայտնեց, որ պէտք է թողնել այդ խստութիւնները, որովհետև եթէ առաքեալների կատարած գործերը և նրանց յայտնած մտքերը Աստուածանից է, որքան էլ արգել ենք, այնքան աւելի կը տարածուի, իսկ եթէ իրանց հնարած է՝ ինքն իրան կը ոչնչանայ: Բոլորը հաւանութիւն տուին Քամաղիէլի խօսքին և վճռեցին այս անգամ բաւականանալ միայն թեթև պատիժ տալով, սակայն

խատիւ արգելելով, որ այլևս չչարունակեն իրանց քարոզութիւնը Յիսուս Քրիստոսի անունով: Առաքեալները աներկիւղաբար պատասխանեցին. «Մենք պարտաւոր ենք աւելի Աստուծուն լսել, քան թէ մարդկանց», և դուրս գնալով նրանց ժողով, աւելի ևս եռանդուն կերպով սկսեցին քարոզել Քրիստոսնէութիւնը: Այս հալածանքի ժամանակ առաջին նահատակը դարձաւ սուրբ Ստեփանոսը, եօթը սարկաւազներից մինը: Երբ նորան բարկոծում էին, նա իբրև ճշմարիտ հետևող Քրիստոսի, աղօթում էր իրան քարկոծողների համար ասելով. «Տէր, ներիր սրանց, որովհետև չգիտեն՝ թէ ինչ են անում»: Սուրբ Ստեփանոսի յիշատակը մեր եկեղեցին ասնում է դեկտեմբերի վերջերուժը, Յիսուսի ծննդեան տօնից առաջ: Ապա նահատակուեցին Յակոբոս առաքեալը և Երուսաղէմի առաջին եպիսկոպոս Յակոբոս Տեառնեղբայրը:

ՍՈՂՈՍԻ ԴԱՐՉ ԵՒ ԿՐԻՍՏՈՆԵՌՈՒԹԵԱՆ ՏԱՐԱԾՈՒԵԼԸ  
ՍԱՄԱՐԻԱՅՈՒՄ ԵՒ ԿԵՍԱՐԻԱՅՈՒՄ


Սուրբ Ստեփանոսի մահից յետոյ, քրիստոնէական եկեղեցին սաստիկ հալածվում էր, ուստի բոլոր հաւատացեալները ցրուեցին Երուսաղէմից և գնացին զանազան քաղաքներ բացի առաքեալներից, որոնք մնալով այնտեղ, համարձակ և աներկիւղ քարոզում էին քրիստոնէութիւնը: Այս հալածանքի ժամանակ կար մի տարսոնացի հրէայ երիտասարդ, Սողոս անունով, որ ս. Ստեփանոսի նահատակութեան ժամանակ ներկայ էր. սա այնքան էր ստույգ Քրիստոսի աշակերտներին և առհասարակ բոլոր հաւատացեալներին, որ աշխատում էր բոլորովին ջնջել նրանց երկրի երեսից. նա քրիստոնէաներին իրանց աներկիւղ դուրս էր բաշում և բանտարկում: Սրանով չբաւականացած, երբ իմացաւ, որ հաւատացեալների մեծ բազմութիւն է գտնվում Գադասկոսում, քահանայապետից հրաման ստացաւ, որ այնտեղից նրանց կապած բերի Երուսաղէմ, և երբ նա իւր մարդկանցով գնում էր Գա-

մասկոս, յանկարծ երկնքից մի լոյս փայլեց  
 ու ընկաւ գետնի վրայ և երկնքից ձայն  
 եկաւ, որ ասում էր. «Սողոս, Սողոս, ինչո՞ւ  
 ես ինձ հալածում»: Սողոսը հարցրեց. «Ո՞վ ես  
 դու, որին ես հալածում եմ»: Չայնը պա-  
 տասխանեց. «Ես Յիսուսն եմ, որին դու հա-  
 լածում ես»: Այս տեսիլքից յետոյ Սողոսը  
 ուշքի գալով հարցրեց. «Տէր, ի՞նչ ես կա-  
 մենում, որ ես անեմ», դարձեալ ձայն եկաւ  
 երկնքից և ասաց. «Վերկաց, գնա Բամասկոս  
 և այնտեղ կը գտնես Յիսուսի աշակերտ  
 Անանիային, նրանից կը մկրտուես և նա  
 բեզ կը սովորեցնի, թէ ի՞նչ պէտք է անես»:

Այս տեսիլքից յետոյ Սողոսը կուրացաւ,  
 նրա մարդիկը ձեռքից բռնած տարան  
 Բամասկոս, ուր նա երեք օր ոչ ուտում  
 էր, ոչ խմում, մինչև որ Անանիան, Յիսուսի  
 աշակերտը, Աստուածային ցուցմամբ եկաւ  
 նրա մօտ, բժշկեց նրա աչքերը և մկրտեց:  
 Սողոսը Սողոս անուանեց և մնաց Բամաս-  
 կոսում եղող հաւատացեալների մօտ. նա  
 սկսեց քարոզել Քրիստոնէութիւնը, և շուտով  
 դարձաւ զլիաւոր առաքեալներից մինը:

Սամարիայում քրիստոնէութիւնը քարո-  
 ղում էր Փիլիպպոսը, որ եօթը սարկաւազ-  
 ներից մինն էր. նա այնտեղ շատերին քրիս-  
 տոնեայ դարձնելով՝ մկրտեց: Երբ առա-  
 քեալներն այդ լսեցին՝ Երուսաղէմից Սամա-  
 րիա ուղարկեցին Պետրոսին և Յովհաննէ-  
 սին, որոնք ձեռք զնելով հաւատացեալների  
 վրայ, տալիս էին զրոշմի խորհուրդը, որով  
 և հաւատացեալների վրայ իջնում էր ս. Հոգե-  
 ւոյ շնորհքը: Սամարիայում հաւատացեալ-  
 ների թւում կար մի մօզ՝ Սիմոն անունով.  
 սա երբոր տեսաւ թէ Պետրոսն ու Յով-  
 հաննէսը ում վրայ ձեռք են դնում, իջնում  
 է նրա վրայ ս. Հոգւոյ շնորհքը, կամե-  
 ցաւ կաշառքով գնել այդ արածնու-  
 թիւնը և ստանալ իրաւունք, որ եթէ ինքն  
 ևս ձեռք զնէ մի որևէ մարդու զլխին՝  
 ս. Հոգին իջնի: Պետրոս առաքեալը արհա-  
 մարհելով այդ անարժան խնդիրը, մերժեց:  
 Դրանից յետոյ՝ Աստուածային շնորհքը վա-  
 ճառողներն ու գնողները կոչուեցին սիմո-  
 նականք Սիմոն մոզի անունով: Ապա ու-  
 րացաւ նա իւր հաւատը և սկսեց զանա-

3625 1007 3113



զան մոլորութիւններ քարոզել և համարուեց  
զլխաւոր հերձուածող:

Հրէութիւնից դարձած հաւատացեալ-  
ներն սկզբուը կարծում էին, թէ քրիստո-  
նէութիւնը կարող են ընդունել միայն Մով-  
սիսականները. բայց Աստուած մի առանձին  
տեսիլքով բաց արաւ Պետրոս առաքեալի  
միտքը, որ իմանայ թէ հեթանոսների համար  
ևս բաց է քրիստոնէական եկեղեցու դուռը:

Պաղեստինիայի Կեսարիա քաղաքում մի  
հարիւրապետ կար, Կուռնէլիոս անունով: Նա  
թէպէտ այլազգի էր, բայց լինելով բարե-  
պաշտ մարդ, Աստուած նրա աղօթքը լսում  
էր և տուած ողորմութիւնն ընդունում:  
Մի անգամ երբ նա աղօթում էր Աստու-  
ծուն, հրեշտակը երևաց և ասաց. «Կուռնէ-  
լիոս, մնա՛րդ ուղարկիր և որոնիր Պետրոսին,  
որ նա գայ և սովորացնի քեզ թէ ինչ  
պէտք է անես»: Կուռնէլոսն իսկոյն ուղար-  
կեց իւր մարդիկը Յոպպէ քաղաքը՝ հրաւի-  
րելու Պետրոս առաքեալին: Դեսպանները  
երբ մօտեցան քաղաքին, Պետրոսը բար-  
ձրացել էր տանիքի վրայ և աղօթում էր:

Յանկարծ երկինքը բացուեց և մի մեծ անօթ  
կտաւի պէս իջաւ նրա առաջ, որի մէջ կա-  
յին ամեն տեսակ չորքոտանի կենդանիներ,  
սողուններ և թռչուններ և երկնքից ձայն  
լսուեց, որ ասում էր. «Պետրոս, մորթիր և  
կեր»: Պետրոսն ասաց. «Ոչ, Տէր, մինչև այսօր  
պիղծ բան չեմ կերած և հիմա էլ չեմ ու-  
տիլ»: Զայնը դարձեալ կրկնեց և ասաց. «Այն,  
որ Աստուած սրբել է, դու իրաւունք չունիս  
պիղծ համարել» և ապա անօթը վեր բար-  
ձրացաւ:

Մինչդեռ Պետրոսը զարմացած մտա-  
ծում էր այս տեսիլքի վրայ, եկան Կուռ-  
նէլիոսի ուղարկած մարդիկը և հրաւիրե-  
ցին նրան Կեսարիա: Կուռնէլիոսի մօտ ժո-  
ղովուած էին նրա բոլոր ազգականներն ու  
բարեկամները, երբ Պետրոսը Կուռնէլիոսի  
տունը մտաւ. նա նրանց քարոզեց և պատ-  
մեց Յիսուսի անօրէնութիւնների մասին:  
Քարոզելու ժամանակ ս. Հոգին իջաւ ա-  
մենքի վրայ: Ապա Պետրոսը Յիսուս Քրիս-  
տոսի անունով մկրտեց Կուռնէլիոսին և  
նրանց բոլորին, որոնք նրա մօտ էին  
և ամենքը փառաբանում էին Աստծուն:

5.

ՊՕՂՈՍ ԱՌԱՔԵՍԼԻ ՃԱՆՍՊՈՐՀՈՐԴՈՒԹԻՒՆԸ ԵՒ ՆՐԱ  
ՀԻՄՆԱԾ ԵԿԵՂԵՑԻՆԵՐԸ

Պօղոս առաքեալն սկսեց իւր ճանապարհորդութիւնը Դամասկոս քաղաքից, իւր դարձից երեք տարի յետոյ: Հրէաները տեսնելով, որ Պօղոսը փոխանակ քրիստոնէաներին հալածելու, իւր քարոզութեամբ աւելի ևս հաստատում է նրանց քրիստոնէական հաւատի մէջ, պահապաններ դրին քաղաքի զոների մօտ, որ բռնեն նրան և սպանեն. բայց հաւատացեալները վիշերով պարսպից ցած թողին և նա ազատուելով փախաւ Երուսաղէմ, ուր դարձեալ շարունակեց իւր քարոզութիւնը. այնտեղից գնաց իւր հայրենի Կիլիկիայի Տարսոն քաղաքը, իսկ այդտեղից սուրբ Բառնաբասի հետ գնացին Անտիոք: Անտիոք քաղաքում հաւատացեալների թիւը հետզհետէ մեծանում էր. ահա այդ քաղաքում առաջին անգամ Փրկչի հաւատացեալներն ստացան «քրիստոնէայ» անունը: Անտիոքից Պօղոսը և Բառնաբասը գնացին Երուսաղէմ 51—52 թ., տանելով իրանց հետ այնտեղի հաւատացեալների տուրքը և

յետոյ կրկին վերադառնալով Անտիոք 52 թ. ճանապարհ ընկան դէպի Կիպրոս և Փոքր-Ասիայի կողմերը և այնտեղի եկեղեցիները հաստատեցին 52—53 թ.:

Երկրորդ ճանապարհորդութեան ժամանակ Պօղոսն ու Բառնաբասը բաժանուեցին: Պօղոսը միայնակ գնաց և այցելեց իւր հիմնած եկեղեցիները և նրանց աւելի հաստատեց քրիստոնէական հաւատի մէջ և նոր եկեղեցիներ հիմնեց Մակեդոնիայում և Յունաստանում:

Երրորդ ճանապարհորդութեան ժամանակ Պօղոսը երկու տարուց աւելի քարոզեց Եփեսոսում. ապա Ասիայի զանազան կողմերում քարոզելուց յետոյ գնաց Երուսաղէմ, ուր հարգիւ կարողացաւ ազատուել հրէաների ձեռքից, որ կամենում էին նրան սպանել: Հռովմայեցոց հազարապետը, նրան ազատելով մահից, ուղարկեց, ինչպէս Հռովմայ քաղաքացու՝ Կեսարիա, Փելիքս դատաւորի մօտ, ուր երկու տարի մնաց բանտի մէջ և ապա դատաւորի մահից յետոյ ուղարկուեց Հռովմ: Այդտեղ ևս Պօղոսը երկու տարի շարունակ քարոզեց և շատերին հեթա-

նոսներից դարձնելով քրիստոնեայ՝ կոչուեց  
Տեթանոսների առաքեալ:

Քրիստոնէութեան առաջին դարում  
Հռովմայեցոց կայսրներից Ներոնը եղաւ ա-  
ռաջինը, որ սաստիկ հալածանք սկսեց քրիս-  
տոնեանների դէմ: Նրա պատճառն այն էր, որ  
65 թուին մեծ հրդեհ պատահեց Հռով-  
մում և այրուեց քաղաքի երրորդ մասը.  
Ժողովուրդը յանցաւոր էր համարում Նե-  
րոնին, սա էլ իւր կողմից մեղադրում էր  
քրիստոնեաններին, որ կարողանայ ժողովրդ-  
դին գրգռել դէպի նրանց: Հալածանքն  
սկսուեց նախ Հռովմի մէջ և ապա տարած-  
ուեց զաւտաները. այդ ժամանակ շատ ան-  
մեղ քրիստոնեաներ բռնուեցին և սնտա-  
նելի տանջանքներով նահատակուեցին: Պետ-  
րոս և Պողոս առաքեալները զանազան կող-  
մեր քարոզելուց յետոյ 64 թուին Հռով-  
մում նահատակուեցին. Պողոսը գլխատուեց,  
իսկ Պետրոսը խաչուեց: Առաքեալները ցրուե-  
լով զանազան երկիրներ, քարոզում էին սուրբ  
Աւետարանը և իւրաքանչիւրը նահատակ-  
ուեց իւր քարոզած տեղում:

ՅԻՍՈՒՍԻ ՄԻԻՍ ԱՌԱՔԵԱԼՆԵՐԻ ՎԱԽՃԱՆԸ

Սուրբ Յովհաննէս առաքեալը մինչև  
ս. Կոյսի վերափոխումն, ապրում էր նրա  
հետ միասին Երուսաղէմում, ինչպէս որ  
Փրկիչը յանձնել էր իւր խաչի վրայ եղած  
ժամանակ: Յետոյ գնաց Փոքր-Ասիայի կող-  
մերը և երկար ժամանակ քարոզելով, հաս-  
տատեց Եփեսոսի եկեղեցին և մեռաւ ժո-  
տաւորապէս հարիւր տարեկան հասակում  
բնական մահով: Սուրբ Անդրէաս քարոզե-  
լով զանազան երկիրներում, խաչակից եղաւ  
Քրիստոսին. ս. Փիլիպպոս Տրայիանոսի հա-  
լածանքի ժամանակ նահատակուեց ութսուն  
և եօթը տարեկան հասակում. ս. Թովմաս  
Մարաց և Պարսից կողմերը քարոզելուց յե-  
տոյ գնաց Հնդկաստան, ուր և մեռաւ փա-  
ռաւոր մահով. ս. Բարդուղիմէոս քարոզեց  
Հայաստանում և դառն տանջանքներով Սա-  
նատրուկ թագաւորի հրամանով մորթա-  
ղերժ եղաւ. ս. Մատթէոս աւետարանիչը  
քարոզելով շատ բարբարոս ազգերի մէջ, նա-  
հատակուեց նրանցից. ս. Յակոբ Ալփիա,  
նահատակուեց Ասորոց երկրում. ս. Մատա-



Թիա, որ վիճակով ընտրուեց, նաճատակ-  
 ուեց Հրէաստանում. իսկ Չերեզիայի որ-  
 զի Յովհաննէս աւետարանչի եղբայր Յա-  
 կոբոսը նաճատակուեց սրով Հերովդէս Ագ-  
 րիպպայի ձեռքով: Սիմոն Կանանացին, Յու-  
 գայ Յակոբեան և Ղերէոս կամ Թադէոսը  
 նաճատակուեցին Ասիայի զանազան կողմե-  
 րում:

## ՇՐՋԱՆ Բ

ՀԱՅՈՑ ԵԿԵՂԵՅՈՒ ՀԱՄԱՌՕՏ ՊԱՏՄՈՒ-  
 ԹԻՒՆԸ

7.

ՔՐԻՍՏՈՆԷՍՒԿՍՆ ՀԱՒԱՏԻ ՍԿԶԲՆԱԻՈՐՈՒԹԻՒՆԸ ՀԱՅԱՍ-  
 ՏԱՆՈՒՄ ԵՒ ՆԱԽԿԻՆ ԼՈՒՍԱԻՈՐԻԶՆԵՐ.—Ս. ՈՍԿԵԱՆՑ  
 ԵՒ ՍՈՒՔԻՍՍԵԱՆՑ ՆԱՀԱՏԱԿՈՒԹԻՒՆԸ

Եղեսիայի Հայոց Թագաւոր Արգաթը  
 իւր զեապաններից լսելով, որ Յիսուս Երու-  
 սաղէմում քարոզում է, մարդկանց բժըշ-  
 կում է առանց զեղի ու զրամի և մինչև ան-  
 դամ մեռեալներին յարուժիւն է տալիս,  
 իսկոյն հաւատաց, որ Նա Աստուած է կամ  
 Աստուծոյ որդի: Լսեց նաև այն, որ Հրէից  
 մեծամեծները Նրանից զժգո՛հ լինելով, կա-  
 մենում են սպանել տալ, և որովհետև ինքը  
 մի անբուժելի հիւանդութիւն ունէր, ուս-  
 տի նամակ գրեց Փրկչին՝ խնդրելով որ Նա  
 գայ Եղեսիա իւր մայրաքաղաքը, իրան  
 բժշկի և իւր ընտանիքի հետ մկրտի. ապա  
 իւր մօտ ապրի՝ խաղաղ և հանգիստ կեանք

վարելով: Այս նամակը Աբգարն՝ ուղարկում է զեսպանների ձեռքով Երուսաղէմ, նոյնպէս և մի պատկերահան, որ եթէ Փրկիչը չգայ, պատկերը հանեն և բերեն: Դեսպանները հասան այն օրը, երբ Յիսուս Քրիստոս մեծ հանդէսով մտնում էր Երուսաղէմ: Նրանք չկարողանալով անձամբ մօտենալ և նամակը տալ Յիսուսին, առաքեալների միջոցով տուին նրան: Յիսուս Քրիստոս տեսնելով Աբգարի մեծ հաւատը, արժանացրեց Իւր պատասխանին, երանի տալով նրան, որ առանց տեսնելու հաւատում է. խոստացաւ Իւր համբառնալուց յետոյ Իւր աշակերտներից մէկին ուղարկել, որ բժշկի նրան և բրիստոնէական հաւատով լուսաւորի:

Յիսուս Իւր գրաւոր պատասխանի հետ ուղարկեց Աբգարին նաև Իւր անձեռագործ պատկերը, որ Աբգարն ստանալով երկրպագութիւն տուաւ և պահելով իւր մօտ, սպասում էր Յիսուսի խոստման կատարելուն: Այդ պատկերը կօչուեց դաստառակ Քրիստոսի:

Յիսուս Քրիստոսի համբառնալուց յետոյ

Թովմաս առաքեալը՝ Փրկչի 33 թուին, Յիսուսի պատուէրի համաձայն, Թաղէոսին, որ եօթանասուն աշակերտներից մինն էր, ուղարկեց Եդեսիա՝ բժշկելու Աբգարին և քարոզելու բրիստոնէութիւնը: Երբ Թաղէոսը մտաւ Եդեսիա, Աբգարը դուրս եկաւ նրա առաջ. Թաղէոսը ձեռքը ղնելով նրա գրկին բժշկեց, մկրտեց նրան, նրա հետ և շատերին՝ թագաւորական տանից, նախարարներից և ժողովրդից, բանդեց կուստունները և նրանց տեղ հաստատեց բրիստոնէական եկեղեցիք: Ս. Թաղէոսը թագաւորի թագ կարող Ադդէին եպիսկոպոս ձեռնադրեց, կարգեց Եդեսացոց վրայ հովիւ և Աբգարի հրովարտակով գնաց քարոզելու վերին Հայաստանի կողմերը, ուր կուսակալ էր Աբգարի քեռորդի Սանաարուկը, որին մկրտեց իւր ընտանիքով: Այդտեղ էլ ձեռնադրեց եպիսկոպոս Զաքարիա անունով մէկին, կարգեց նրանց վրայ հովիւ և գնաց քարոզելու Ադուանից և Կապադովկիայի կողմերը:

Աբգար թագաւորը բրիստոնէութիւնն ընդունելուց յետոյ, թուղթ գրեց Հռովմայե-

ցոց կայսեր, Ասորոց և Պարսկաստանի թագաւորներին և յորդորում էր նրանց ընդունել քրիստոնէութիւնն ու ազատութիւն շնորհել քրիստոնեաներին իրանց երկիրներում: սակայն դեռ ևս պատասխան չստացած՝ վախճանվում է: Աբգարի մահից յետոյ քրիստոնէութիւնը թուլանում է Հայաստանում, յաջորդները՝ նրա որդի Անանէն և բեռորդի Սանատրուկը ուրացան քրիստոնէութիւնը: Անանէն նահատակել տուաւ Աղդէին, որովհետեւ չուզեց նրա համար թագ կարել, իսկ Սանատրուկը նահատակեց իւր ազգիկ Սանդուխտ կոյսին, որ չուրացաւ քրիստոնէութիւնը և հրամայեց Աբգարի բոլոր ազգատոհմը ջնջել, որպէսզի ինքն ազատ կերպով թագաւորէ ամբողջ Հայաստանի վրայ: Այս լուրը Թադէոս առաքեալը լսելուն պէս Կապադովկիայից վերադարձաւ դէպի Հայաստան, ճանապարհին նրան պատահեցին Հռովմայեցի հինգ դեսպան, որոնք զնում էին Սանատրուկի մօտ: Թադէոս առաքեալը նրանց բարոզեց, բոլորին մկրտեց և նրանց գլխաւորին, որի անունն էր Ոսկի, ձեռնադրեց բահանայ: Ոսկու անունով նրա ընկերները

կոչուեցին Ոսկեանք: Երբ Սանատրուկը լսեց այս, կանչեց Թադէոսին Շաւարշան բաղաբը և այնտեղ սպանել տուաւ:

Ս. Թադէոսի նահատակութիւնից յետոյ ս. Բարդուղիմէոս առաքեալը, որ երկոտասան աշակերտներից էր, Մարիամ ս. Կոյսի մահից յետոյ նրա պատկերը հետն առած եկաւ Հայաստան, սկսեց քարոզել և հաւատացեալների թիւը հետզհետէ աւելացնել, յետոյ Տիգրիս գետի ափին մի եկեղեցի շինեց ս. Կոյսի անունով, բազմեցրեց այնտեղ Տիրամօր պատկերը և շարունակեց իւր քարոզութիւնը: Սակայն սա ևս երկար ժամանակ չկարողացաւ քարոզել Հայաստանում: Սանատրուկը սրան ևս նահատակել տուաւ, այնպէս որ թէպէտ ս. Թադէոս և Բարդուղիմէոս առաքեալները չկարողացան ամբողջ հայ ազգը քրիստոնեայ դարձնել, այնուամենայնիւ նրանց քարոզութիւնը և թափած արիւնը Հայաստանի հողի վրայ անօգուտ չանցան: Իրանք էին որ առաջին անգամ Հայաստանում քրիստոնէական եկեղեցու հիմը դրին, ուստի և մեր եկեղեցին անուանւում է դրանց Հայոց եկեղեցու

առաջին լուսաւորիչներ և որոնց յիշատակը  
տօնում է ամեն տարի դեկտեմբերի սկզբը-  
ներին:

Սուրբ Ոսկեանք քրիստոնէութիւնն ըն-  
դունեցին Թադէոս առաքեալից. նրանք Թա-  
դէոսի մահից յետոյ 43 տարի ճգնում էին  
Յփրատ գետի ափին: Նրանց բարոգու-  
թեամբ Սաթինիկ թագուհու միջանի ազ-  
գականները, որոնք եկել էին Ալանաց եր-  
րից, ընդունեցին քրիստոնէութիւն և Յփ-  
րատ գետի մէջ մկրտուելով, ս. Ոսկեանց  
հետ գնացին անապատ և այնտեղ ճգնում  
էին 15 տարի. դրանք ընդամենը տասն  
և եօթը հոգի էին և իրանց գլխաւորի անու-  
նով կոչուեցին Սուքիասեանք:

Հայոց Արտաւազդ թագաւորը 107 թ.  
շատ աշխատեց դարձնելու դրանց կռապաշտ,  
բայց չկարողացաւ, և երբ իմացաւ թէ  
դրանց քրիստոնէայ դառնալու պատճառը ե-  
ղել են Ոսկեանք, զօրք ուղարկեց և նահատա-  
կել տուաւ նրանց: Սուքիասեանք թաղեցին  
նրանց մարմինները և իրանք շարունակեցին  
ճգնել այրի մէջ: Նրանից յետոյ տեղափո-  
խուելով Բագրևանդ գաւառի Սուկաւէտ

լեառը, բաւն տարի էլ այնտեղ ճգնեցին և  
130 թուին նահատակուեցին Ալանաց ար-  
քայորդու հրամանով քրիստոնէական հա-  
ւատի մէջ հաստատ մնալու համար:

8.

ՀԱՅԱՍՏԱՆԻ ԵՐԿՐՈՐԴ ԼՈՒՍԱՒՈՐԻՉ Ս. ԳՐԻԳՈՐԻ  
ԾՆՈՒՆԴԸ. — Ս.ՆԱԿԻ ՀԱՅԱՍՏԱՆ ԳՍԼԸ ԵՒ Ս. ԳՐԻԳՈՐԻ  
ԽՈՐ ՎԻՐԱՊ ԶԳՈՒԻԼԸ

Հայաստանի երկրորդ լուսաւորիչն է ս.  
Գրիգորը, որ ծնուեց 257 թուին Արտա-  
շատում: Սրա հայրը Անակ նախարարն էր,  
հեթանոս, Պահլաւունեաց ցեղից: Պարսից  
Արտաշիր թագաւորը յաղթուելով Հայոց  
Խոսրով թագաւորից, աշխատում էր գրա-  
նել մի հնար, որով կարողանար Խոսրովից  
իւր վրէժն առնել և ահա՛ առաջարկեց իւր  
պալատականներին. «Ով որ կարողանայ  
սպանել Խոսրովին, խոստանում եմ նրան  
դարձնել իմ երկրորդը»: Անակ Պահլաւունի  
նախարարը խոստացաւ կատարել Արտաշիրի  
ցանկութիւնը, վերցրեց իւր ընտանիքը և  
գնաց Խոսրովի մօտ իբրև փախստական  
Արտաշիրից: Խոսրովը չիմանալով նրա գալու

բուն նպատակը, սիրով ընդունեց և երբ մի օր գնում էր որսի, Անակին ևս իւր հետ տարաւ որպէս մտերիմ բարեկամը. բայց Անակն այդ օրը խորամանկութեամբ առանձնացնելով Խոսրովին, յարձակուեց նրա վրայ և սպանեց: Մնակը փախչելիս՝ Երասխ գետի կամրջի վրայ հայոց զօրքից շրջապատուեց. ուստի և զօրքից ազատուելու համար ընկաւ գետը և խեղդուեց: Խոսրովը դեռ ևս չմեռած հրամայել էր Անակին իւր ընտանիքով կոտորել. այդպէս էլ կատարուեց, միայն ազատուեցին երկու որդի, մեծը՝ որի անունն էր Սուրէն, փախցրին Պարսկաստան, իսկ փոքրը՝ որ հազիւ երկու տարեկան էր, իւր ծծմայր Սօֆիան փախցրեց Վեսարիա, այնտեղ մկրտել տուաւ և անուանեց Գրիգոր, որ զարգացաւ բրիստոնէական հաւատքի մէջ և 276 թուին ամուսնացաւ Դաւիթ անունով մի հաւատացեալի Մարիամ աղջկայ հետ և ունեցաւ երկու որդի՝ Վրթանէս և Արիստակէս:

Խոսրովի մահից յետոյ Արտաշէրը զօրքով մտաւ Հայաստան, երկիրը քարուքանդ արաւ և հրամայեց բոլորովին ջնջել Խոսրովի

ցեղը, սակայն այդ կոտորածից ազատուեցին Խոսրովի երկու զաւակները՝ Տրդատ և Խոսրովիդուխտ. վերջինիս փախցրին Անի, իսկ Տրդատին Վեսարիա և այնտեղից Հռովմ, ուր Տրդատը մեծանում էր կայսեր պալատում Լիկիանոս իշխանի ձեռքի տակ:

Գրիգորը երբ իմացաւ Խոսրովի և նրա ընտանիքի անիրաւ սպանութեան մասին, որ կատարուել էր իւր հօր ձեռքով 280 թ., գնաց Հռովմ և Տրդատին ծառայութիւն էր անում, որպէսզի զրանով կարողանայ իւր հօր յանցանքը թեթեւացնել. նրա կին Մարիամը իւր փոքր որդի Արիստակէսի հետ մտաւ կուսանոց, իսկ Վրթանէսը մնաց Վեսարիայում, ուր և ամուսնացաւ և ունեցաւ երկու որդի՝ Գրիգորիս և Յուսիկ:

Տրդատը իւր քաջութեամբ կարողացաւ գրաւել Դիոկղետիանոս կայսեր սիրտը, ուստի 286 թ. ստանալով Հայաստանի թագաւորութիւնը, հռովմէական զօրքով եկաւ Հայաստան՝ իւր հօր գահը ժառանգելու, և երբ հասաւ Եկեղեաց գաւառի Երիզա գիւղը, ուր գտնվում էր Հայոց ամենամեծ շաստուածուհու՝ Անահիտի կուռքը, Տրդատը

Հնորհակալութեան զոհեր արաւ, պսակներով զարդարեց կուռքը և Քրիզորին ևս հրամայեց նոյնը անել. սակայն Քրիզորը, որ մինչև այդ ժամանակ իւր բրիստոնէութիւնը ծածուկ էր պաշտում, բացարձակ մերժեց Տրդատի առաջարկութիւնը, ասելով՝ թէ ինքը բրիստոնէայ է, ուստի չի կարող կուռքին երկրպագութիւն տալ: Տրդատը սաստիկ բարկանում է և խիստ յանդիմանութիւններով աշխատում է համոզել. բայց երբ Քրիզորը հաստատ մնաց իւր խօսքին, հրամայեց տանջել նրան, և երբ յետոյ յայտնեցին, որ նա իւր հօր սպանողի՝ Անակի որդին է, հրամայեց կապել ձեռք ու ոտքը և տանել ձգել Արտաշատի խոր վիրապը, ուր ձգում էին մահապարտներին: Սուրբ Քրիզորը մնաց վիրապի մէջ 15 տարի, այն է՝ 286—301 թ.: Եւ ինչպէս աւանդութիւնն ասում է՝ մի կին օրական մի հաց ու ջուր էր տալիս, և նա ապրում էր այնտեղ:

Ս. ՀՈՒՓՄԻՄԵԱՆՑ ՀԱՅՍՍՏԱՆ ԳԱԼԸ ԵՒ ՍՈՒՐԲ ԳՐԻ-  
ԳՈՐԻ ՎԻՐԱՊՈՑ ԴՈՒՐՄ ԵԼՆԵԼԸ

Սյն ժամանակներում, երբ ս. Քրիզորը Արտաշատի մահապարտների վիրապի մէջ էր, Հռովմայեցոց Իրիկղեօտիանոս կայսեր հալածանքից ազատուելու համար Հռովմից եկան Հայաստան 37 կոյս: Դրանք ընդամենն էին 75 հոգի, որոց թւում կային և բաճանաներ, ապրում էին Հռովմի մօտ գտնուած Գայիանէ մայրապետի կուսանոցում նրա խնամատարութեան տակ: Սյստեղ էր նաև երանելի իշխանազն Հռիփսիմէ ս. կոյսը, որ հռչակուած էր իւր բարեպաշտ կեանքով, զարդարուած Աստուածային իմաստութեամբ և հրաշալի գեղեցկութիւնով: Ս. Գայիանէ կոյսը զգալով, որ վտանգը մօտ է, վերցրեց Հռիփսիմէին իւր բոլոր ընկերուհիներով և փախան գնացին Երուսաղէմ, երկրպագեցին սուրբ տեղերին, իսկ այնտեղից գնացին Վասպուրականի Վարազ սարը, ուր ս. Հռիփսիմէն թաղեց գետնի մէջ այն խաչը, որ կրում էր իւր վզին: Սյստեղից 37 հոգւով գնացին Վաղարշա-

պատ և իջևանեցին քաղաքի ծայրում գրտնուած այգիների մէջ մի հնձանում և այդտեղ ապրում էին իրանց ձեռքի աշխատանքով: Արիոկղետիանոսը յանձնարարական թղթեր գրեց զանազան երկիրների թագաւորներին, մի թուղթ ևս գրեց մեր Տրդատ թագաւորին, առաջարկելով հալածել քրիստոնեաներին:

Տրդատը երբ Արիոկղետիանոսից ստացաւ յիշեալ թուղթը, մարդիկ ուղարկեց՝ որոնելու քրիստոնեաներին, և նրանք գտան Վաղարշապատի հին հնձաններից մէկի մէջ. իսկոյն յայտնեցին թագաւորին, պատմելով նաև ս. Հռիփսիմէի աննման գեղեցկութեան մասին: Տրդատը հրամայեց իւր արքունիքը բերել նրան, ուղարկած մարդիկ գնացին և ձեռնունայն վերադարձան, որովհետև ս. Հռիփսիմէն չցանկացաւ գնալ: Այն ժամանակ թագաւորը բռնի կերպով տարաւ. թագաւորը տեսնելով ս. Հռիփսիմէի հրաշալի գեղեցկութիւնը, կամեցաւ ամուսնանալ նրա հետ, բայց ս. կոյսը այս անգամ ևս չհնազանդելով նրա կամքին, ազատուեց նրա ձեռքից և փախաւ գնաց իւր

ընկերուհիների մօտ: Թագաւորը յոյսը դրեց Գայիանէի վրայ և առաջարկեց, որ նա համոզէ Հռիփսիմէին. սակայն Գայիանէն հակառակ թագաւորի ցանկութեան համոզեց ս. կոյսին՝ հաստատ մնալ իւր խոստման և անարատ պահել իւր կուսութիւնը:

Երբ Տրդատը տեսաւ, որ իւր ջանքերը իզուր անցան, յուսահատուեց և հրամայեց զառն տանջանքներով նահատակել բոլոր կոյսերին: Թագաւորի հրամանը կատարուեց. դահիճները եկան և բոլորին կոտորեցին Փրկչի 301 թ.: Նահատակուած ս. կոյսերի մարմինները մնացին անթաղ ինն օր:

Տրդատը իւր այս խստասրտութեան համար ստանում է իւր պատիժը. նա մտատանջութիւնից կորցնում է մարդկային բանականութիւնը, և երևակայելով թէ ինքը խոզ է դարձել, խելագարուածի պէս ճահիճների և տղմերի մէջ է թափառում: Տրդատի քոյր Խոսրովիդուխտը երազումը տեսնում է Աստուծոյ հրեշտակին, որ յայտնում է թէ Տրդատին կարող է բժշկել միմիայն Գրիգորը, որ գտնվում է Արտաշատի խոր վիրապի մէջ: Երազը սկզբումը շատ անհաւատալի

էր երևում, որովհետև ոչ ոք չէր կարծում, թէ Գրիգորը կարող էր վիրապում 15 տարի կենդանի մնալ, բայց երբ միքանի անգամ կրկնուեց, իսկոյն Օտայ նախարարին ուղարկեցին Արտաշատ, որ տեսնելով թէ ս. Գրիգորը կենդանի է, հանեց նրան վիրապից, ուր 15 տարի Աստուածային հրաշքով ապրել էր, և բերեց Վաղարշապատ: Սյդտեղ քաղաքից բաւական հեռու դիմաւորել էր նրան խելագարուած Տրդատը իւր նախարարներով և ժողովրդով. դրանք ամենքն էլ ս. Գրիգորին հաւատով ջերմեւանդութեամբ երկրպագութիւն տուին: Ս. Գրիգոր արօթքով բժշկեց հիւանդ թագաւորին և ուրիշներին և ապա սկսեց քարոզել: Դրանից յետոյ հարցուփորձ անելով ս. կոյսերի նահատակութեան մասին՝ ամենից առաջ ժողովեց նրանց մարմինները և իրանց պատառոտուն զգեստների մէջ փաթաթելով, ամփոփեց նրանց հէնց իրանց նահատակուած տեղում: Ս. Գրիգորը պատուիրեց՝ Տրդատին և բոլոր ժողովրդին ապաշխարել՝ հինգ օր ծոմ և պահք պահելով. իսկ ինքը 66 օր շարունակ քարոզում

էր, որից յետոյ կատարելապէս բժշկեց Տրդատին և բոլոր հիւանդներին: Սյնուհետև ս. Գրիգորը Տրդատի, նրա կին Աշխէն թագուհու և քոյր Խոսրովիդիստի հետ շինեցին նահատակուած կոյսերի գերեզմանների վրայ ս. Հռիփսիմէի, ս. Փայիանէի և այլմեան Շողակաթ կոչուող երեք վանքերը, որոնք այժմ կանգուն են ս. Էջմիածնի մօտ:

10.

ՍՈՒՐԲ ԼՈՒՍՍԻՈՐԶԻ ՏԵՍԻԼՔԸ ԵՒ ՀՍ.ՅԱՍՏԱՆԻ ՀՍ.ՅՐԱՊԵՏ ԶԵՆՆԱԴՐՈՒԵԼԸ

Սուրբ Գրիգորը երբ ոգևորուած բրիտանէական հաւատով քարոզում էր ժողովրդին Վաղարշապատի արքունիքի մօտ, երազ է տեսնում, որ մի լուսեղէն մարդ իջնում է երկնքից և Վաղարշապատ քաղաքի մէջտեղը խփում է ոսկէ մուրճով, գետինը դղրդում է և խորքերից լսվում են զանազան ձայներ, ապա տեսնում է թագաւորական պալատի վրայ մի ոսկեայ պատուանդան, նրա վրայ լուսեղէն գմբէթ, իսկ գմբէթի ծայրին փայլում է խաչը: Ս. Գրիգորը, որ մտածում էր տեսիլքի մա-



սին, երևաց Սատուծոյ հրեշտակը և բացատրեց նրա նշանակութիւնը. թէ իջնող լուսեղէն մարդը՝ է մեր Տէր Յիսուս Քրիստոսը, Սատուծոյ միածին Որդին, իսկ պալատի վրայ յայտնուած լուսեղէն գմբէթը և խաչը նշանակում է, թէ Աստուած զրանով ցոյց է տալիս, որ այդտեղ պէտք է շինել եկեղեցի: Ս. Գրիգորն շտապեց յայտնել այս բոլորը Տրդատին. իսկ այնտեղը, ուր իջել էր Միածին Որդին, որով պատեց՝ եկեղեցի շինելու համար:

Ս. Գրիգորը Տրդատին և նրա հետ հայ ժողովրդի մեծագոյն մասին քրիստոնէական հաւատի մէջ հաստատելուց յետոյ, շրջեց Հայաստանի ամենայն կողմերը, կործանեց հեթանոսական կռատունները՝ նրանց տեղ հաստատելով քրիստոնէական եկեղեցի, և ապա առաջարկեց, որ Քրիստոսի այդ նոր հաւատացեալ ժողովուրդը ընտրի իւր համար մի հովիւ, որ նրանց մկրտէ և հոգևոր ծէսերը կատարէ:

Տրդատը նախարարներից և բոլոր ժողովրդի ներկայացուցիչներից ժողով կազմեց և միաձայն հաւանութեամբ ընտրեցին ս. Գրի-

գորին Հայոց հովուապետ: Տրդատը ս. Գրիգորին 302 թ. մեծ հանդէսով ուղարկեց Կեսարիա քաղաքը, ուր նա ձեռնադրուեց ս. Ղևոնդիոս հայրապետից Հայոց առաջին բահանայապետ և կաթողիկոս և ս. Թադէոս առաքեալի յաջորդ:

Ս. Գրիգորը երբ մեծ պատուով վերադառնում էր Կեսարիայից, Ղևոնդիոս պարիարգից ստացաւ ս. Յովհաննու Կարապետի և Աթանազիսեայ եպիսկոպոսի մատուցները: Ս. Գրիգորը բերաւ իւր հետ նաև Անտոն և Կրոնիդէս կրօնաւորներին՝ Հայաստանում կրօնաւորական կարգը տարածելու: Երբ հասաւ Տարոն գաւառի Իննակեան կոչուած տեղը, կուռքերի շատ արձաններ կործանեց և նրանց տեղ կանգնեցրեց Քրիստոսի սուրբ Թաչը: Նա այդտեղ մի վանք ևս շինեց ս. Կարապետի անունով. դրա այնտեղ Յովհաննու Կարապետի մատուցները, թողեց հետը բերած կրօնաւորներին և նորակառոյց վանքի համար նշանակեց վանահայր Զենոբ եպիսկոպոս Գլակին, որի անունով վանքը կոչուեց Գլակայ վանք: Ապա այնտեղից ս. Գրիգորն ուղևորուեց դէպի Արա-

րատեան երկիրը. ճանապարհին բազմաթիւ կռատուններ կործանեց և հեթանոսներից շատերին քարոզելով բրիստոնեայ դարձրեց:

11.

ՍՈՒՐԲ ԳՐԻԳՈՐԸ ՄԿՐՏՈՒՄ Է ՏՐԴԱՏԻՆ ԵՒ ՆՐԱ ԸՆՏԱՆԵԱՅ.—Ս. Էջմիածնի Շինութիւնը ԵՒ ՀԱՅԱՍՏԱՆԻ ԼՈՒՍԱՒՈՐՈՒԹԻՒՆԸ

Սուրբ Գրիգորը իւր ուղեկիցներով երբ հասաւ Բագրևանդ գաւառի Բագուան քաղաքը, Տրդատը իւր գերդաստանի և բոլոր պալատականների հետ նրան մեծ պատուով ընդունեց: Ս. Գրիգորը այդտեղ ևս մի ամսուան ընթացքում ուսուցանելով բրիստոնէութիւնը, պատուիրում է, որ մկրտութիւնն ընդունելուց առաջ բոլորն էլ հինգ օր ծով ու պահք պահեն: Այս շաբաթական պահքը մեր եկեղեցին անուանել է «Առաջաւորաց» պահք և որովհետև շաբաթ օրը կատարվում է ս. Սարգիս զօրավարի տօնին, ահա այդ է պատճառը որ ժողովուրդն անուանում է «ս. Սարգսի պահ»: Հնգօրեայ պահեցողութիւնից յետոյ ս. Գրիգորը Եփրատ գետի մէջ մկրտում է Տրդատին,

նրա ընտանեաց և բոլոր ժողովրդին՝ ընդամենը 400,000 հոգի. մկրտութեան ժամանակ Տրդատին անուանեց Յովհաննէս:

Ապա գալով Վաղարշապատ քաղաքը, ս. Գրիգորը 303 թ. ս. Էջմիածնի հոյակապ շինութեան հիմքն է դնում այնտեղ, ուր յայտնի տեսիլքն էր տեսել և՛ նախքան ձեռնադրուելու գնալը, պարսպով պատել:

Ս. Էջմիածինը իբրև կենդրոն հայութեան, նշանաւոր է հայերիս համար նախ՝ որ այնտեղ է գտնուում Հայոց Հայրապետութեան աթոռը, երկրորդ՝ որ այնտեղ է օրհնվում ս. մեռոնը, այնտեղ են ս. օծումն ընդունում մեր հայրապետները և ձեռնադրվում եպիսկոպոսները:

Ս. Գրիգորը Էջմիածնի շինութիւնից յետոյ Տրդատի հետ միասին շրջում է Հայաստանի բոլոր քաղաքներն ու գիւղերը, քարոզում է, մկրտում է հաւատացեալներին և նրանց վրայ նշանակում է հովիւներ, ձեռնադրում եպիսկոպոսներ և բաժանաներ, բանդում է շատ կռատուններ և նրանց տեղ հիմնում բրիստոնէական եկեղեցիներ. բաց է անում դպրոցներ, ժողովում է մանուկներ

և սովորեցնում է յունարէն և ասորերէն, որովհետև այդ ժամանակ դեռ հայերէն գրագիտութիւն չկար. և այսպէս Հայաստանը լուսաւորելով բրիստոնէական հաւատի լուսով, կոչուեց երկրորդ լուսաւորիչ Հայաստանի:

Վրաց ազգի բրիստոնէութիւն ընդունելը: Ս. Նունէ կոյսը, որ Հռիփսիմէի ընկերուհիներից էր, գնալով Վրաստանի Մցխէթ քաղաքը, հրաշագործութեամբ բժշկում է թագուհուն ծանր հիւանդութիւնից, ապա նրանց Միհրան իշխանին և շատերին դարձնում է բրիստոնէայ: Ահն այս ժամանակ ս. Նունէ կոյսը ս. Գրիգոր Լուսաւորչից և Կոստանդիանոս կայսրից ինդրում է հոգևոր հովիւներ, որ նրանց մկրտեն և կատարեն նրանց հոգևոր պետքերը. այսպիսով ս. Նունէ կոյսը համարվում է Վրաստանի առաքելուհի և լուսաւորիչ:

ԼՈՒՍԱՒՈՐՁԻ ԱՌԱՆՁՆԱԿԵԱՅ ԿԵԱՆՔԸ.—ՍՐԻՈՍԻ ՄՈ-  
ԼՈՐՈՒԹԻՒՆԸ ԵՒ Ս. ԳՐԻԳՈՐԻ ՄԱՂԸ

Ս. Լուսաւորիչը՝ Տրդատի օգնութեամբ լուսաւորելով Հայոց աշխարհը բրիստոնէական հաւատի լուսով և կարգաւորելով մեր եկեղեցական Աստուածապաշտութեան կարգերը, սահմանելով Տէրունական և Աստուածածնայ տօները, ինչպէս նաև ս. Հռիփսիմեանց և Գայիանեանց յիշատակի օրերը, — իւր ծերութեան օրերում երբեմն-երբեմն առանձնանում էր անապատները և այնտեղ միայնակեցութեան մէջ աւելի կազդուրելով իրան աղօթքով, դարձեալ այցելում էր իւր հօտին՝ հաստատելու բրիստոնէական հաւատի մէջ: Մի անգամ երբ գնաց Գարանաղեաց գաւառի Սեպուհ լեռը, ուր մի բարայրի մէջ ձգնում էր ս. Հռիփսիմէի ընկերուհիներից մի կոյս Մանիա անունով, սուրբ կոյսի խնդրանօք մնաց այնտեղ. բայց երբ օրից յետոյ կոյսը վախճանուեց, ս. Գրիգորը թաղեց նրան և ինքն սկսեց ձգնուել նրա բարայրի մէջ: Հաւատացեալ ժողովուրդը, նրանց հետ և ոմանք իշխաններից լսելով.

որ ս. Լուսաւորչիչը ունի երկու որդի, կամեցան նրանցից մէկին ընտրել իւր հօրը փոխանորդ: Դեսպաններ ուղարկեցին Կեսարիա, որոնք գնացին տեսան, որ մեծ որդին՝ Վրթանէսը ամուսնացած է. իսկ փոքրը՝ Արիստակէսը կրօնաւոր է, որին և բերին Վաղարշապատ և խնդրեցին Լուսաւորչին, որ նրան ձեռնադրէ եպիսկոպոս: Ս. Գրիգորը կատարելով ժողովրդի ցանկութիւնը, 318 թ. Արիստակէսին ձեռնադրեց եպիսկոպոս և կարգեց իրան օգնական և փոխանորդ:

Այս ժամանակներում, 325 թ., Հռովմի կայսրութեան մէջ առաջ եկաւ մի մտւորութիւն, որի հեղինակն էր Աղէքսանդրացի յոյն երէց Արիոսը, որ միանգամայն ուրանալով Քրիստոսի Աստուածութիւնը, նրան հաւասար չէր ընդունում Հօր Աստուծոյ հետ: Այս կրօնական մեծ չարիքի առաջնառնելու համար մեծն Կոստանդիանոսի հրամանով կազմուեց Նիկիա բաղաբում առաջին տիեզերական ժողովը 325 թ., մասնակցութեամբ 318 հայրապետների (քրիստոնէական եկեղեցու ներկայացուցիչների): Սոյն ժողովին մեր եկե-

ղեցու կողմից իբրև ներկայացուցիչ մասնակցում էր Արիստակէս հայրապետը՝ սուրբ Լուսաւորչի փոքր որդին: Այդ ժողովում կազմեցին «Հաւատոյ հանգանակը» և ուրիշ կանոններ: Արիստակէսը ժողովի վճիռը բոլոր կանոններով բերաւ Հայաստան: Ս. Գրիգոր Լուսաւորչին ընդունեց գրանց և իբրև հաստատութիւն, իւր կողմից աւելացրեց հետևեալ խօսքերը՝ «Իսկ մէք փառաւորեսցուք»...:

Ս. Գրիգորը 30 տարի հայրապետական իշխանութիւնը վարելուց յետոյ 331 թ ուին վախճանուեց իւր ճգնարանում. հովիւները գտան նրա մարմինը և թաղեցին այնտեղ: Ապա յիսուն տարուց յետոյ Գառնիկ անունով մի ճգնաւոր Աստուածային յայտնութիւնով գտնելով ս. Լուսաւորչի գերեզմանը, ս. մարմինը տարաւ ամփոփեց Թորդանում, ուր թաղուած էին նրա որդիքն ու թոռները:

Հայոցս երախտապարտ ս. եկեղեցին սահմանել է տարին երեք անգամ տօնել ս. Լուսաւորչի յիշատակը. այն է՝ նրա չարանքի և վիրապ մտնելու յիշատակը Մեծի

որ ս. Լուսաւորիչը ունի երկու որդի, կամեցան նրանցից մէկին ընտրել իւր հօրը փոխանորդ: Գեսպաններ ուղարկեցին Կեսարիա, որոնք գնացին տեսան, որ մեծ որդին՝ Վրթանէսը ամուսնացած է. իսկ փոքրը՝ Արիստակէսը կրօնաւոր է, որին և բերին Վաղարշապատ և խնդրեցին Լուսաւորչին, որ նրան ձեռնադրէ եպիսկոպոս: Ս. Գրիգորը կատարելով ժողովրդի ցանկութիւնը, 318 թ. Արիստակէսին ձեռնադրեց եպիսկոպոս և կարգեց իրան օգնական և փոխանորդ:

Այս ժամանակներում, 325 թ., Հռովմի կայսրութեան մէջ առաջ եկաւ մի մուտրութիւն, որի հեղինակն էր Աղէքսանդրացի յոյն երէց Արիոսը, որ միանգամայն ուրանալով Քրիստոսի Աստուածութիւնը, Նրան հաւասար չէր ընդունում Հօր Աստուծոյ հետ: Այս կրօնական մեծ չարիքի առաջն առնելու համար մեծն Կոստանդիանոսի հրամանով կազմուեց Նիկիա քաղաքում առաջին տիեզերական ժողովը 325 թ., մասնակցութեամբ 318 հայրապետների (քրիստոնէական եկեղեցու ներկայացուցիչների): Սոյն ժողովին մեր եկե-

ղեցու կողմից իբրև ներկայացուցիչ մասնակցում էր Արիստակէս հայրապետը՝ սուրբ Լուսաւորչի փոքր որդին: Այդ ժողովում կազմեցին «Հաւատոյ հանգանակը» և ուրիշ կանոններ: Արիստակէսը ժողովի վճիռը բոլոր կանոններով բերաւ Հայաստան: Ս. Գրիգոր Լուսաւորչին ընդունեց զրանց և իբրև հաստատութիւն, իւր կողմից աւելացրեց հետևեալ խօսքերը՝ «Իսկ մեր փառաւորեսցուք»...:

Ս. Գրիգորը 30 տարի հայրապետական իշխանութիւնը վարելուց յետոյ 331 թ ուին վախճանուեց իւր ճգնարանում. հովիւները գտան նրա մարմինը և թաղեցին այնտեղ: Ապա յիսուն տարուց յետոյ Գառնիկ անունով մի ճգնաւոր Աստուածային յայտնութիւնով գտնելով ս. Լուսաւորչի գերեզմանը, ս. մարմինը տարաւ ամփոփեց Թորդանում, ուր թաղուած էին նրա որդիքն ու թոռները:

Հայոցս երախտապարտ ս. եկեղեցին սասմանել է տարին երեք անգամ տօնել ս. Լուսաւորչի յիշատակը. այն է՝ նրա չարչարանքի և վիրապ մանելու յիշատակը Մեծի

պահոց մէջ հինգերորդ շաբաթ օրը, վիրապից դուրս գալու յիշատակը Հոգեգալստից երկու շաբաթ յետոյ՝ Հռիփսիմեանց սօների շաբաթ օրը, իսկ մարմինը գտնելու յիշատակը երկրորդ սօնից երկու շաբաթ յետոյ՝ յունիս ամսի մէջ:

13.

ՍՈՒՐԲ ԽԱՅՐ ԳԻՒՏԸ՝ ՀԵՂԻՆԷ ԹԱԳՈՒՀՈՒ ԲԱՐԵՊՍՇՏ  
ՋԱՆՔՈՎ

Յիսուս Քրիստոսի խաչելութիւնից յետոյ, Նրա խաչը երկու աւազակների խաչերի հետ մնացին ընկած Գողգոթա սարի վրայ. հաւատացեալները գնում էին և Յիսուսի խաչին երկրպագութիւն տալիս: Հրէաները և հեթանոսները նախանձելով այդ բանին, Գողգոթա սարի վրայ մի հոր փորեցին, խաչերը գցեցին մէջը և ծածկելով հող ու քարով և անհետացրին, իսկ վերջին ժամանակները հեթանոս Հռովմայեցիք մի կռքատուն շինեցին Յիսուսի գերեզմանի վրայ և այդպիսով բրիստոնեաներին զրկեցին Յիսուսի խաչին և Նրա գերեզմանին երկրպագելու միջնորդութիւնից:

Բայց երբ Աոստանդիանոս կայսրն ընդունեց բրիստոնէութիւնը, նրա բարեպաշտ մայր Հեղինէ թագուհին գնաց Երուսաղէմ և այնտեղ տեսնելով սուրբ վայրերը տակնուվրայ եղած, որոշեց ամենից առաջ գրտնել Յիսուսի ս. խաչը: Այս մասին շատերին հարցուփորձ անելուց յետոյ երբ մի հրեայ ծերունուց տեղեկացաւ, թէ Յիսուսի խաչը թաղուած է Գողգոթայի վրայ, բանդել սուլաւ ցոյց տուած տեղը, ուր գտնուեցին Յիսուսի և երկու աւազակների խաչերը: Ստուգելու համար, թէ որն է նրանցից Յիսուսի իսկական խաչը, ժտեցրին նրանց մի մերձիմաս հիւանդ. խաչերից մէկը հիւանդին կենդանութիւն շնորհեց. այդ կերպով ստուգուեց, որ այդ էր Յիսուսի խաչը: Հեղինէ թագուհին խաչի համար շինել սուլաւ մի արծաթեայ պահարան թանկագին ակներով զարդարած և Գողգոթա սարի վրայ կառուցանելով մի եկեղեցի՝ սուրբ Յարութեան անունով, դրաւ այնտեղ: Նոյնպէս շինել սուլաւ ուրիշ երկու եկեղեցի ևս. մինը Բեթղեհէմ՝ Յիսուսի ծննդեան տեղը, միւսը Ջիթենեաց սարի վրայ՝ Յիսուսի համբարձ-

ման յիշատակին և ապա վերադարձաւ իւր որդու մօտ:

14.

ՍՈՒՐԲ ԳՐԻԳՈՐ ԼՈՒՍԱՆՈՐԶԻ ՅԱԶՈՐԴՆԵՐԸ ԱՐԻՍՏԱ-  
ԿԷՍ, ՎՐԹԱՆԷՍ, ՅՈՒՍԻԿ ԵՒ ԳԱՆԻԷԼ ԿԱԹՈՂԻԿՈՍ-  
ՆԵՐԸ

Սուրբ Գրիգոր Լուսաւորչին յաջորդեց 332 թ. իւր փոքր որդի Արիստակէսը, որ նրա նման ամենայն սրբութեամբ կատարում էր Ազգի և Եկեղեցու պայծառութեան գործերը, շինեց վանքեր և եկեղեցիներ: Ս. Արիստակէսը միշտ անուղղայ և վատաբարոյ նախարարներին յանդիմանում էր և աշխատում էր ուղղել նրանց անկարգ կեանքը: Այսպիսի մի հանդամանքի պատճառով Չորրորդ Հայոց Արքեղայոս իշխանը 339 թ. սպանեց նրան: Աշակերտները նրա մարմինը տարան և թաղեցին Ծովաց գաւառի Թիլն աւանում: Ս. Արիստակէսը իւր հօրից յետոյ եօթն տարի հայրապետական գահը կառավարեց:

Ս. Արիստակէսին յաջորդեց իւր մեծ եղբայր ս. Վրթանէսը 339 թ.: Սա ևս

իւր հօր և եղբօր շաւղով գնալով, մեծ եռանդով հոգս էր տանում եկեղեցու պայծառութեան համար: Ս. Վրթանէսը եկեղեցու բարեկարգութեան հրահանգ խնդրեց Երուսաղէմի Մակարիոս պատրիարզից և ստացաւ ութ յօդուածով մի կանոնաթուղթ. իսկ Յակոբ Մծբնայ հայրապետից, որ Լուսաւորչի հօրաբրոջ որդին է՝ հաւատոյ վերաբերեալ մի գրուածք, որ կոչվում է «Զգօն», և այդ բոլորի վրայ ինքն ևս աւելացնելով միջանի յաւելուածներ ու յարմարացնելով մեր եկեղեցու պաշտամանց ոգւոյն, ուղարկեց իւր ստորադրեալ բոլոր եպիսկոպոսներին ի գործադրութիւն:

Այս ժամանակներում Տրդատ թագաւորը զգուելով նախարարների մոլի կեանցից, առանձնացաւ Սեպուհ սարը և սկսեց այնտեղ ճգնուել: Երբ Տրդատը նախարարների թախանձանքը չընդունեց և չվերադարձաւ իւր գահը կառավարելու, 341 թ. մահաթոյնով սպանեցին ու մարմինը թաղեցին Ամուրն-Անիում 85 տարեկան հասակում 56 տարի թագաւորելուց յետոյ:

Ս. Վրթանէս Տրդատի հաւանութեամբ

և Աղուանից ժողովրդի խնդրանօք իւր մեծ որդի Գրիգորին ձեռնադրեց արքեպիսկոպոս և ուղարկեց Աղուանք, որից սկիզբն առաւ Աղուանից կաթողիկոսութիւնը:

Ս. Վրթանէս հայրապետը 15 տարի վարելով հայրապետական գահը, 355 թ. փոխուեց աշխարհիցս և թաղուեց Թորդան գիւղում:

Ս. Վրթանէսին յաջորդեց իւր փոքր որդի Յուսիկը, որ ամուսնանալով Տիրան թագաւորի աղջկայ հետ, ունեցաւ երկու որդի՝ Պապ և Աթանազիսէ: Սա իւր ամուսնու համաձայնութեամբ հրաժարուելով աշխարհային կեանքից, աղօթքով ու բարեգործութիւններով էր անցկացնում իւր օրերը: 356 թ. երբ ընտրուեց կաթողիկոս և զբաղուած էր՝ իւր նախորդների օրինակին հետևելով, եկեղեցու զանազան բարեկարգութիւններով, Յունաց ուրացող Յուլիանոս կայսրը իւր պատկերը տալով Հայոց Տիրան թագաւորին, ցանկացաւ, որ դրուի Հայոց եկեղեցում: Երբ Տիրանը կամենում էր կատարել կայսեր այդ ցանկութիւնը, ս. Յուսիկը դիմադրեց. խլեց թագաւորի ձեռքից

պատկերը, գցեց գետին և ոտով փշրեց: Տիրանը իսկոյն հրամայեց այնքան ծեծել, մինչև որ երանելի Հայրապետը աւանդեց հողին՝ վեց տարի Հայրապետական գահը կառավարելուց յետոյ. նա թաղուեց Թորդանում իւր հօր գերեզմանի մօտ:

Ս. Յուսիկին յաջորդեց ս. Դանիէլ ծերունին 362 թ., որովհետև Յուսիկի որդիքը հայրապետական աստիճանին արժանաւոր անձինք չէին: Դանիէլը ազգաւ ասորի էր և աշակերտ ս. Գրիգոր Լուսաւորչի և նրանից էր ընդունել քահանայական կոչումն: Սա շատ կարճ ժամանակ եղաւ կաթողիկոս, որովհետև երբ առաջին անգամ իւր ընտրուելուց յետոյ ներկայացաւ Տիրան թագաւորին և յանդիմանեց նրան Յուլիանոսի պատկերը եկեղեցում դնելու և Յուսիկին սպանելու համար, թագաւորը սրան ևս խեղդամահ արաւ: Ս. Դանիէլին յաջորդեց Փառնեսրեսը և երեք տարի վարելով Հայրապետական գահը՝ վախճանուեց:



ՄԵԾՆ ՆԵՐՄԷՍ.—ՆՐԱ ՄԵԾԱԳՈՐԾՈՒԹԻՒՆՆԵՐՆ ՈՒ ՎԱԽՃԱՆԸ.—ԿՈՍՏԱՆԴՆՈՒՊՈԼՍՈՅ Ս. ԺՈՂՈՎԸ

Ներսէս առաջին հայրապետը Յուսիկ կաթողիկոսի թողն է, այն է ս. Գրիգոր Լուսաւորչի թողան թողը: Սրա հայրն էր ս. Յուսիկի որդի Աթանազիսէն, իսկ մայրը՝ Բամբիչ՝ Տիրան թագաւորի քոյրը: Իւր ուսումն ստացել էր Կոստանդնուպօլսում և Կեսարիայում և Հայոց արքունիքում ծառայում էր իբրև սենեկապետ և թագաւորի զինակիր: Փառներսէի մահից յետոյ Հայոց Արշակ թագաւորի, նախարարների և բոլոր ժողովրդի միաձայն հաւանութեամբ Ներսէան ընտրվում է կաթողիկոս՝ իբրև Լուսաւորչի արժանաւոր ժառանգ: Ընտրութիւնից յետոյ 364 թ. մեծ հանդէսով գնաց Կեսարիա, ուր և օծուեց Կաթողիկոս ամենայն Հայոց:

Ներսէսը Հայրապետական գահը ժառանգելուց յետոյ, ամենից առաջ իւր հայրական ուշադրութիւնը դարձրեց ժողովրդի ներքին կեանքի և նրա բարեկեցութեան վրայ. նա միջանի անգամ եկեղեցական ժո-

ղով գումարեց և հետեւեալ կարևոր որոշումներն արաւ: Ամեն գաւառի և նշաւաւոր քաղաքների մէջ շինել տուաւ աղբատանոցներ, հիւանդանոցներ, ճանապարհների վրայ իջևաններ և այլ սոցիանման աստուածահաճոյ հաստատութիւններ, որոց թւում կային շատ դպրոցներ, եկեղեցիներ և վանքեր և այս բոլոր հաստատութիւնները ապահովացրեց անշարի կայուածներով, որ իբրև նուէր ստանում էր ժողովրդից: Ներսէսին այս բոլոր գործերին օգնական և գործակից էր նրա հաւատարիմ սարկաւազը, որի անունն էր Խաղ:

Ներսէսը բնաւորութեամբ լինելով շատ բաղքը, սիրում էր ամենքին միատեսակ այսօր նա ճաշում էր թագաւորի պարստում, վաղը գանվում էր աղբատի խրճիթում, իսկ մի ուրիշ անգամ երևում էր հիւանդի անկողնի մօտ՝ մխիթարելու նրան: Սրա համար և ստացել էր «Հասարակաց հայր» անունը: Աշխատեց ժողովրդի միջից արմատախիլ անել միջանի անկարգ հեթանոսական սովորութիւններ, այն է՝ մերձաւոր ազգականների միմեանց հետ պսակուելը, որ

յաճախ պատահում էր նախարարների և ազնուականների մէջ, և մեռելների վրայ այլանդակ ձևերով և անյոյս սուգ անելն ու շուայլ կերպով սևեր հագնելը, որ ոչ մի միտք չունի:

Ներսէսը իւր խաղաղասէր բնւորութիւնով շատ անգամ թագաւորին նախարարների հետ հաշտեցնում էր, երբոր նրանց մէջ մի որևէ վէճ էր պատահում: Նա մինչև անգամ իւր իմաստուն և համոզիչ խօսքերով ազդում էր օտար թագաւորների և զօրավարների վրայ. օրինակ՝ երբ Յունաց Վաղենտիանոս կայսեր հրամանով Թէոդոս զօրավարը գալիս էր մեծ զօրքով աւերելու Հայաստանը, Ներսէսը գնաց նրա առաջ, հաշտեցրեց Հայոց թագաւորի հետ և ազատեց Հայաստանը այդ վտանգաւոր պատերազմից: Սակայն Վաղենտիանոսի յաջորդ Վաղէս կայսեր ժամանակ գնալով Կ.-Պօլիս՝ դարձեալ կամեցաւ նոյն միջնորդի դերը կատարել. բայց Վաղէսն առաջարկեց նրան ընդունել Արիոսեան աղանդը և երբ Ներսէսը չընդունեց, աքսորեց նրան մի անմարդաբնակ կղզի, ուր ութ ամիս

մնալով և իւր անձը ենթարկելով ամեն տեսակ նեղութիւնների, ազատուեց միայն Վաղէսի յաջորդ Մեծն Թէոդորոսի ժամանակ, և գալով Կոստանդնուպօլիս՝ մասնակցեց երկրորդ տիեզերական ժողովին, իսկ այնտեղից պատուով վերադարձաւ Հայաստան: Այս ժամանակ Արշակ թագաւորը անձնատուր լինելով Պարսից Շապուհ թագաւորին՝ մեռնում է Անյուշ բերդում: Ներսէսը Թէոդորոսի օգնութեամբ Արշակի որդի Պապին թագաւորեցնում է Հայոց վրայ:

Ներսէսի այս մեծամեծ և օգտաւէտ զործերը տեսնելով հայ ժողովուրդը, թագաւորի և նախարարների համաձայնութեամբ ժողով արաւ և վճռեց, որ ի պատիւ Ներսէսի այսուհետև մեր կաթողիկոսները անուանուեն «Պատրիարք Կաթողիկոս ամենայն Հայոց» և նորա ըստ հին սովորութեան այլևս չօծուեն Կեսարիայում, այլ ս. Էջմիածնում՝ հայ եպիսկոպոսների ձեռքով:

Ներսէսը՝ նկատելով Պապ թագաւորի վատ և շուայլ կեանքը և նախարարների հետ անհաշտ լինելը, շարունակ խրատում

էր թագաւորին, որ հեռանայ իւր շուայլ կեանքից և սիրով վարուի նախարարներին հետ. բայց նա փոխանակ ուղղելու իւր մոլի կեանքը, 384 թ. թունաւորում է նրան, որպէսզի ազատուի Հայրապետի իրաւացի և ողջամիտ յանդիմանութիւններից: Այսպիսի վախճան ունեցաւ այն մեծագործ մարդը, որ երեսուն և չորս տարի վարելով Հայրապետական գահը, իբրև վառ ճրագ լուսաւորում էր Հայաստանը, և որին անաչառ պատմութիւնը վարձատրեց՝ «Մեծ» անունը շնորհելով. իսկ եկեղեցին նրա յիշատակը կատարում է Հոգեգալստեան երրորդ շաբաթի շաբաթ օրը՝ ս. Էջմիածնի տօնից յետոյ:

Մեծն Ներսէսի մահից յետոյ յաջորդեցին Շապուհ Մանազկերտցին, Զաւէն, Ասպուրակէս, վերջինիս յաջորդեց Սահակ Պարթևը՝ Մեծն Ներսէսի որդին:

Մեծն Թէոդորոս թագաւորը, որ յաջորդեց Վաղէս կայսրին, հակառակ իւր նախորդին, միանգամայն կուսակից էր քրիստոնէական դաւանութեան և իւր <sup>գահը</sup> գործար

կալութեան օրից հրաման հանեց, որ ազատ են այն բոլոր հոգևորականները, որոնք իւր նախորդի օրով աքսորուած էին. դրանց թւում ազատութիւն շնորհեց և մեր Հայրապետ Մեծն Ներսէսին:

Թէոդորոս թագաւորի հրամանով կազմուեց երկրորդ տիեզերական ժողովը Կ. Պօլսում 381 թ., որովհետև այս ժամանակներում Կ. Պօլսի Յունաց պատրիարք Մակեդոնը ուրանալով սուրբ Հոգւոյ Աստուածութիւնը, քարոզում էր թէ ս. Հոգին հաւասար չէ Հօր և Արդւոյ հետ, նա օտար է և լոկ պաշտօնեայ նրանց: Ժողովը՝ ուր ներկայ էին 150 հայրապետներ, դատապարտեց Մակեդոնին, անուանելով նրան հոգեմարտ, և սահմանեց՝ սուրբ Հոգւոյն դաւանել համագոյակից և հաւասար Հօր և Արդւոյն: Այս ժողովին մեր եկեղեցու կողմից ներկայ էր Մեծն Ներսէս Հայրապետը:

## ՇՐՋԱՆ Գ

16.

ՍՈՒՐԲ ՍՍՀՍԿ ՊԱՐԹԵԻ, ՍՐԱ ԳՈՐԾՈՒՆԷՆՈՒԹԻՒՆԸ ՀԱՅ  
ԵԿԵՂԵՅՈՒ ՊԱՅԾԱՌՈՒԹԵԱՆ ԵՒ ԺՈՂՈՎՐԴԻ ՄՏԱԻՈՐ  
ՉԱՐԳԱՑՄԱՆ ՕԳՏԻՆ.—Ս. ՄԵՍՐՈՊ ՄՍՇՏՈՑ.—ՀԱՅԿԱ-  
ԿԱՆ ՏԱՌԵՐԻ ԳԻԻՏԸ ԵՒ Ս. ԳՐԳԻ ԹԱՐԳՄԱՆՈՒԹԻՒՆԸ

Զորքորդ դարի վերջին տարիներում և  
հինգերորդ դարի սկզբին Աստուածային նա-  
խախնամութիւնը պարզեց Հայ եկեղեցուն  
երկու ընտիր Հայրեր, որոնք իրանց ան-  
խոնջ աշխատութեամբ իբրև երկու պայ-  
ծառ ջահեր լուսաւորեցին հայ ժողովրդին  
և եկեղեցուն, տալով մեզ մեր լեզուի այբ-  
ուբենը և Աստուածաշունչ պատգամները՝  
Թարգմանած հայ լեզուով: Սրանք էին  
ս. Սահակ Պարթև և ս. Մեսրոպ Մաշտոց:  
Թէև ս. Գրիգոր Լուսաւորչի քարոզու-  
թիւնով քրիստոնէութիւնը հաստատուեց  
Հայաստանում և հետզհետև նրա արժա-  
նաւոր յաջորդների աշխատանքով յառաջա-  
դիմում էր, բայց անցել էր այն օրից գրեթէ  
հարիւր տարի, որ Հայերի՝ սեպհական գիր  
չունենալու պատճառով եկեղեցիներում բո-

լոր ժամակարգութիւնը և ծիսակատարութիւնները լինում էին յոյն և ասորի լեզուներով, որից ժողովուրդը ոչ մի խօսք չէր հասկանում:

Այսպիսի մի ժամանակում 390 թ. ազգի և Խոսրով Գ. թագաւորի հաւանութեամբ ընտրվում է կաթողիկոս Մեծն Ներսէսի որդի սուրբ Սահակը: Սա դեռ իւր աշխարհական ժամանակ Կ. Պօլսում ամուսնանալով ունեցաւ մի դուստր Սահականոյշ անունով, որ տուել էր Համազասպ Մամիկոնեանին ի կնութիւն, որից ծնուեցին Վարդան, Հմայեակ և Համազասպեան Մամիկոնեանները: Ս. Սահակը իւր ուսումն ստանալով Կեսարիայում և Կ. Պօլսում, լազիտէր յունական լեզուն, հմուտ աստուածաբան էր, քաջ հայկաբան և որ աւելին է՝ օրինակելի վարք ու բարք ունէր, սիրում էր իւր ազգն ու եկեղեցին: Նախարարներից ումանք թագաւորի հետ անմիաբան լինելով՝ նրա վրայ չարախօսութիւն արին Պարսից Շապուհ թագաւորի մօտ, որ իբրև թէ առանց նրա հաւանութեան է կարգուել Սահակը կաթողիկոս: Այս պատճառով Շա-

պուհը բարկացաւ, ս. Սահակին աթոռից հրաժարեցրեց և Խոսրովին էլ փակել տուաւ Անյուշ բանտում: Շապուհի որդի Արաաշիրը յաջորդելով իւր հօրը, նորից պատուով վերադարձրեց ս. Սահակին իւր Աթոռը: Այդ ժամանակից սկսեց ս. Սահակը իւր ազգօգուտ գործունէութիւնը, իբրև կաթողիկոս՝ բարեկարգեց եկեղեցիները, շինեց նորանոր վանքեր և եկեղեցիներ, նորոգել տուաւ Հռիփսիմէի տաճարը, որ Շապուհը բանդել էր տուել:

Ս. Սահակի կաթողիկոսութեան ժամանակ յայտնի էր և մի ուրիշ անձնաւորութիւն՝ Մեսրոպ Մաշտոց անունով, որ բոլորովին համամիտ լինելով նրան, մեծ օգնութիւն ցոյց տուաւ կաթողիկոսին: Ս. Մեսրոպ Տարոն գաւառի Հացեկաց գիւղիցն էր, Վարդան անունով մի բարեպաշտ մարդու որդի. սա համարվում է Մեծն Ներսէսի աշակերտ և նրա գրադիրը. գիտէր յոյն, ասորի և պարսից լեզուները և քաջ տեղեակ լինելով այդ լեզուներին, Ներսէսի մահից յետոյ նշանակուեց թագաւորի պալատում բարատուղար: Սակայն ս. Մեսրոպին աշխար-

հային այս մեծ պաշտօնները չկարողացան գրաւել, նա եօթը տարի միայն արբունիքում իւր պաշտօնը վարելով, զնաց Գողթան գաւառի մի վանք մտաւ: Իսկ երբ իմացաւ ս. Սահակի կաթողիկոսանալը, ինքը ևս ձեռնադրուեց վարդապետ և երբեմներեմն հեռանալով իւր վանքից քարոզում էր ժողովրդին, կարգում էր ս. Գիրքը և ապա թարգմանում, այդ պատճառով թէ ինքն էր մեծ նեղութիւն կրում և թէ ժողովուրդը շատ սակաւ օգուտ տեսնում: Իսկ միւս հոգևոր հայրերը, որոնք չգիտէին յոյն և ասորի լեզուները, կարգացածից ոչ իրանք էին բան հասկանում և ոչ ժողովուրդը: Սչն այսպիսի հանգամանքները ծնեցին ս. Մեսրոպի մէջ այն ցանկութիւնը՝ թէ պէտք է անպատճառ գտնել Հայոց լեզուի նշանագրերը և իւր միտքը իրականացնելու համար զնաց ս. Սահակի մօտ և յայտնեց նրան: Ս. Սահակը, որ ինքը ևս զբաղուած էր այդ մտքով, շատ ուրախացաւ և իսկոյն յայտնեց այդ մտադրութիւնը Վռամշապուհ թագաւորին և եպիսկոպոսների ժողովին, որոնք ի սրտէ համակրութիւն ցոյց տալով,

այս առիթով ունեցան խորհրդածութիւններ: Թագաւորը, որ մասնակցում էր ժողովին, յայտնեց, թէ ինքը լսել է, որ Հայոց հին նշանագրերը գտնվում են Միջագետքում Բանիէլ անունով մի ասորի եպիսկոպոսի մօտ. ուստի անմիջապէս կարգադրեցին ուղարկել այնտեղ մի ասորի քահանայ Հաբէլ անունով և մի իմաստուն մարդ Վահրիճ անունով, որոնք սովորելով, Միջագետքից բերին յիշեալ նշանագրերը: Ս. Սահակ և ս. Մեսրոպ փորձեր արին և գտան որ այդ նշանագրերն անբաւարար են մեր լեզուի համար, որովհետև մեր լեզուի բոլոր հնչիւնները լրիւ չէին կարողանում արտայայտել: Ս. Մեսրոպ անձամբ զնաց թէ Միջագետք և թէ այլ նշանաւոր մարդկանց մօտ, բայց բոլորն էլ անօգուտ անցան:

Ս. Մեսրոպն այնուհետև իւր յոյսը կրթելով մարդկանցից, մի ջերմեռանդ աղօթքով դիմում է Աստծուն և խնդրում, որ օգնէ այս գործում, և երբ խորին մտածմունքի մէջ խորասուզուած աղօթում էր, երևաց նրա աչքին մի աներևոյթ մարդու ձեռք, որ զրեց քարի վրայ իւր ցանկացած

տառերը: Ս. Մեսրոպը՝ տպաւորելով իւր մտքի մէջ, ձեւակերպեց յիշեալ տառերը և իսկոյն վերադարձաւ Վաղարշապատ, որին մեծ պատուով ընդունեցին ուսումնասէր Վռաձ շապուհ թագաւորը և ս. Սաճակ կաթողիկոսը ժողովրդի հետ միասին: Սրանից յետոյ, երբ փորձը ցոյց տուաւ, թէ արդէն լրիւ են բոլոր հնչիւնները և յարմար մեր լեզուի համար, ամենից առաջ թարգմանեցին Հին-Կտակարանից Սողոմոնի առակաց գրքերը, իսկ Նոր-Կտակարանից Աւետարանը և ապա ամեն տեղ դպրոցներ բաց անելով ժողովեցին աշակերտներ և հայ լեզուի գրագիտութիւնն սկսեցին տարածել:

Փոքր ժամանակից յետոյ ս. Մեսրոպ Վրացոց և Ս.ղուանից մեծամեծների խնդրանաց համաձայն գնաց նրանց երկիրը, նրանց համար ևս գրեր հնարեց և այնտեղից վերադառնալով ս. Սաճակի մօտ, տեսաւ որ շարունակվում է ս. Գրքի թարգմանութիւնը գլխաւորապէս ասորերէնից, որովհետև յունարէն բնագիրը պարսիկները ոչնչացրել էին՝ հայերին կռապաշտ դարձնելու շար նպատակով:

Սյնուհետև ս. Սաճակ և ս. Մեսրոպ, ինչպէս երկու լուսաւոր ջահեր, աստուածգիտութեան լոյսը և հայ լեզուի դպրութեան գործը անձնուէր ջանքով տարածեցին Հայաստան աշխարհում: Ս. Սաճակ ճոխացրեց նաև մեր եկեղեցական ժամակարգութիւնը նորանոր երգերով ու աղօթքներով, իսկ ս. Մեսրոպ կարգաւորեց մեր Ծիսարանը, որ նրա անունով կոչուեց Մաշտոց: Ապա ժողովելով աշակերտներ՝ սովորեցնում էին և երբոր վերջացնում էին, նրանցից ընդունակներին և յառաջադէմներին ուղարկում էին կատարելագործուելու Աթէնք, Կոստանդնուպօլիս և Աղէքսանդրիա բազարները, ուր կային հռչակաւոր դպրոցներ և ծաղկած էր ուսումն ու գիտութիւնը: Սրանք ունեցան շատ աշակերտներ, որոնցից նշանաւորները համարվում են՝ Յովսէփ կաթողիկոս, Ղևոնդ երէց, Իւււիթ անյաղթ փիլիսոփայ, Մովսէս Խորենացի, Եգնիկ կողբացի, Կորիւն, Ղազար Փարբեցի և այլն, որոնք իրանց ուսումը կատարելագործելուց յետոյ վերադառնալով Հայաստան՝ թէև տեսան վախճանուած ս. Սաճակ և ս. Մեսրոպ

ուսուցիչներին, այնուամենայնիւ, չյուսա-  
 Տատուեցին, այլ կատարելով նրանց փափա-  
 գը՝ վերջացրին ս. Գրքի թարգմանութիւնը:  
 Թէպէտ ս. Սահակ կաթողիկոսը ամեն  
 ջանք գործ էր դնում եկեղեցու և ազգի բա-  
 րօրութեան համար, սակայն իւր ծերութեան  
 վերջին օրերում նախարարների ամբաստա-  
 նութեամբ բանտարկվում է: Բայց բանտից  
 ազատուելուց յետոյ երբ նախարարներն զգա-  
 լով իրանց սխալը, աղաչում են նորից գահ  
 նստել, երանելի Հայրապետը հրաժարվում  
 է իսպառ և փոքր ժամանակից յետոյ վախ-  
 ճանվում Բագրևանդ գաւառի Բլուր գիւ-  
 ղում 438 թ., 51 տարի վարելով Հայրա-  
 պետական աթոռը: Նրա մարմինը մեծ  
 հանդէսով թաղում են Տարոնի Աշտիշաա  
 գիւղում:

Ս. Սահակի յաջորդը համարվում է  
 ս. Մեսրոպը<sup>1)</sup>, որ միայն վեց ամիս վարե-

<sup>1)</sup> Ս. Սահակի կենդանութեան ժամանակ պարսից Վռամ  
 թագաւորը թէև միմեանց յեակից կարգեց երեք անարժան  
 կաթողիկոսներ՝ Սուրբակ երէց, Բրքիչոյ և Շմուէլ ասորի-  
 ներին, բայց դրանք իրանց անարժան վարքով շուտով անցան  
 գնացին, այդ պատճառով ս. Սահակի իսկական յաջորդ հա-  
 մարվում է ս. Մեսրոպը:

լով Վաթողիակոսկան իշխանութիւնը, վախ-  
 ճանուեց: Նրա մարմինը Վահան Ամատունի  
 հազարապետը տարաւ թաղեց իւր սեպհական  
 Օշական գիւղում: Ս. Մեսրոպի գերեզմանի  
 վրայ շինուած է մի հոյակապ եկեղեցի իւր  
 անունով, որ պէտք է լինէր բոլոր Հայերի  
 համար մեծ և նշանաւոր ուխտատեղի, բայց  
 շատ ափսոս որ այդպէս չէ:

Ս. Սահակ և ս. Մեսրոպ համարվում են  
 թարգմանիչներ, որոնց տօնը մեր եկեղե-  
 ցին կատարում է յուլիս ամսում, իսկ նրանց  
 աշակերտների տօնը՝ որոնցից շատերը ար-  
 ժանացել են կաթողիկոսական, եպիսկոպո-  
 սական աստիճանի, կոչվում են թարգմա-  
 նիչ վարդապետներ՝ կատարվում է հոկտեմ-  
 բեր ամսում:

Քրիստոնեայ հաւատացեալները սկզբնե-  
 րում իրանց հաւատի դաւանութիւնը յայտ-  
 նում էին հետևեալ երեք խօսքերով. Յանուն  
 Հօր և Որդւոյ և Հոգւոյն սրբոյ. բայց երբ  
 հաւատացեալի միջից յայտնուեցան այնպի-



սի անձինք, որոնք աստուածային գաղտնիքը, որ մարդկային մտքին անհասանելի է՝ քննադատեցին և շեղուելով ուղիղ դաւանութիւնից, ընկան մոլորութեան մէջ, այդ ժամանակ բրիտոնեայ եկեղեցու ողջամիտ վարդապետները՝ կամենալով մոլորութիւնների առաջն առնել, կազմեցին տիեզերական ժողովներ: Մեր եկեղեցին ընդունում է միայն երեք այդպիսի տիեզերական ժողով:

Առաջին տիեզերական ժողովը գումարուեց Նիկիա քաղաքում Քրիստոսի 325 թ. 318 հայրապետների մասնակցութեամբ: Այդ ժողովի մէջ դատապարտեցին Աղէքսանդրացի յոյն երէց Արիոսի մոլորութիւնը, որ ուրանալով Քրիստոսի աստուածութիւնը, չէր զաւանում Քրիստոսին Աստուած և Աստուծոյ Որդի, այլ լոկ արարած: Ժողովը կազմեց «Հաւատոյ հանգանակը» 12 յօդուածով և ուրիշ կանոններ, այլ և սահմանեց՝ հաւատալ, որ Յիսուս Քրիստոս՝ է ճշմարիտ Աստուած և Աստուծոյ Որդի, համագոյակից Հօր և ս. Հոգւոյն և աստուածային բոլոր յատկութիւններով հաւասար Նրանց:

Երրորդ տիեզերական ժողովը գումար-

ուեց Կոստանդնուպօլոսում Մեծն Թէոդորոս կայսեր հրամանով 381 թ. 150 հայրապետների մասնակցութեամբ: Այս ժողովը դատապարտեց հոգեմարտ Մակեդոնին, որ Կ. Պօլսի Յունաց պատրիարք էր: Սա ուրանալով Հոգւոյն Սրբոյ աստուածութիւնը, քարոզում էր, թէ ս. Հոգին հաւասար անձն չէ Հօր և Որդւոյ հետ, այլ Նրանց պաշտօնեայ և Նրանց էութիւնից իսպառ օտար: Ժողովը սահմանեց՝ զաւանել ս. Հոգւոյն համագոյակից Հօր և Որդւոյն և աստուածութեամբ հաւասար: Այս ժողովին ներկայ էր և մեր Հայրապետ Մեծն Ներսէս:

Երրորդ տիեզերական ժողովը գումարուեց Ասիայի Եփեսոս քաղաքում 431 թ. 200 հայրապետների մասնակցութեամբ: Այս ժողովը դատապարտեց Կ. Պօլսի յոյն պատրիարք Նեստորին, որ մոլորուելով Աստուած-Որդու ճշմարիտ մարդեղութիւնից, քարոզում էր, թէ այլ է Աստուծուց և այլ է ս. Կոյս Մարիամից ծնուածը: Սյդպիսով ս. Կոյսին զաւանում էր ոչ թէ Աստուածածին, այլ մարդածին կամ բրիտոսածին, և այդպէս՝ ամենասուրբ Երրորդութեան երկրորդ

անձին՝ Յիսուս Քրիստոսին երկու բաժանելով՝ Երրորդութիւնը դարձնում էր չորրորդութիւն: Ժողովը դատապարտելով Նեստորին՝ հեռացրեց նրան պատրիարքական աթոռից, արքայից և սահմանեց դաւանել Յիսուս Քրիստոսին՝ մի Որդի Աստուծոյ, իսկ Մարիամ ս. Կոյսին Աստուածածին: Այս ժողովի վճիռը Հայաստան բերին մեր ս. Թարգմանիչները — Սահակի և Մեսրոպի աշակերտները:

Առաջին տիեզերական ժողովի յիշատակը մեր եկեղեցին կատարում է սեպտեմբեր ամսուսը, վերացման ս. Խաչի տօնի բարիկենդանի շաբաթ օրը. երկրորդ ժողովինը՝ բուն բարիկենդանի շաբաթ օրը, իսկ երրորդինը՝ ս. Աստուածածնի վերափոխման բարիկենդանի շաբաթ օրը:

18.

ԿՐՕՆԱԿԱՆ ՊԱՏԵՐԱԶՄ ՀԱՅՈՑ ԵՒ ՊԱՐՄԻՑ ՄԷՋ.— ԱՏՈՎՄԵԱՆՑ ՆԱՀԱՏԱԿՈՒԹԻՒՆԸ.— ՊԱՐՄԻՑ ՅԱԶԿԵՐՏ ԹԱԳԱՒՈՐԻ ԶԱՆՔԸ ԻՒՐ ՀՊԱՏԱԿ ՔՐԻՍՏՈՆԵԱՆԵՐԻՆ ԿՐԱԿԱՊԱՇՏ ԴԱՐՁՆԵԼՈՒ

Ս. Սահակ և ս. Մեսրոպ Թարգմանիչների աշակերտ Յովսէփ կաթողիկոսի ժա-

մանակ Պարսկաստանում Թազաւորում էր Յազկերտ Բ., երբ Արշակունեաց Թազաւորութիւնն արդէն վերացած լինելով, Հայաստանը քաղաքականապէս ոյժից ընկած էր: Երկու դրացի ազգեր՝ յոյներն ու պարսիկները ձգտում էին տիրել Հայաստանին, բայց որովհետև այդ միջոցին պարսիկները յոյներին յաղթելով, նաև մեծաքանակ տուգանքի էին ենթարկել նրանց, ուստի և ամենայարմար ժամանակն էին համարում վճռական քայլն անելու՝ մտադրուած նպատակին հասնելու համար. այն է՝ իրանց հպատակ բոլոր ազգերին — հայերին, վրացիներին և աղուաններին դարձնել կրակապաշտ: Առաջին փորձն սկսեցին Հայերից, այն յոյսով, որ եթէ Հայերը կրակապաշտ դառնան, Վրացիք և Աղուանք կը դառնան ու դառնան:

Յազկերտ այս գործում հետևում էր իւր խորամանկ հազարապետ Միհրներսեսին, մոզերին և մոզպեաններին:

Առաջին փորձը, որ նրանք մտածեցին անելու, այն էր, որ հրաման ուղարկուեն Հայաստան, ինչպէս նաև Վրաստան և Աղուա-

նից աշխարհ, որ այդ հպատակ ազգերի զօրավարներն ու նախարարները իրանց զօրքով գան և օգնեն Հոնաց հետ սկսած պատերազմում: Հայերը Թագաւորի հրամանը հնազանդութեամբ կատարեցին: Որպէսզի Հայերը ոչ մի կասկած չտանեն, Յազկերտը Վասակ Սիւնեաց նախարարին տալիս է երկրի կուսակալութիւնը, իսկ Վարդան Մամիկոնեանին նշանակում է Հայոց զօրավար: Երկու տարի պատերազմը Հոնաց դէմ շարունակվում է, Պարսիկները չեն կարողանում յաղթել: Յազկերտը հրամայում է հին զօրքերին յետ ուղարկել և նորերին բերել այսպէս պատերազմը եօթը տարի շարունակուեց: Վերջին տարին, որ Պարսիկները յաղթութիւնը տարան, Յազկերտն ուղղակի առաջարկեց Հայերին թողնել բրիստոնէութիւնը և ընդունել կրակապաշտութիւնը: Պատերազմի մէջ հայ զօրքին առաջնորդում էին Ատովմ Գնունի զօրավարը և Մանաճիհր Ռշտունի նախարարը: Սրանք իրանց զօրքով արհամարհելով Թագաւորի խօսքը, շտապեցին փախչել Հայաստան, իսկ Պարսից զօրքերը հասնելով ճանապարհին՝ նա-

հատակեցին բոլորին և այս նահատակութիւնը կոչուեց Ատովմեանց նահատակութիւն՝ Ատովմ զօրավարի անունով, որոց յիշատակը եկեղեցին կատարում է Առաջաւորաց պահքից յետոյ առաջին երկուշաբթի օրը:

Երբ Յազկերտը իւր առաջին փորձով չկարողացաւ նպատակին հասնել, ուղարկեց Հայաստան մի պարսիկ իշխան Դենշապուհ անունով իբր թէ նոր աշխարհագիր անելու: Սա իւր դաժան բնաւորութիւնով մեծամեծ չարիքներ հասցրեց հայ ժողովրդին. եկեղեցին, որ ազատ էր, հարկատու դարձրեց, նախարարներին միմեանց հետ թշնամացրեց և երկրի մէջ ներքին երկպառակութիւն գցեց: Սյս բոլոր չարիքը հայ ժողովուրդն ամենայն համբերութիւնով տարաւ, սակայն և ոչ մինը հաւատափոխ չեղաւ:

Երբ այդ փորձը ևս անյաջող անցաւ, Միհրնբրսէհ հազարապետը Թագաւորի հրամանով մի նամակ գրել տուաւ մոզերին և մոզապետներին և ուղարկեց Հայաստան, որի մէջ Պարսից արքունիքն աշխատում էր ցոյց տալ պարսկական կրօնի առաւելութիւնը և

քրիստոնէութեան պակաս կողմերը: Նա-  
մակը վերջանում էր հետեւեալ խօսքերով.  
«Հայերը պարտաւոր են կամ կէտ առ  
կէտ պատասխանել նամակին, կամ գնալ  
Պարսկաստան և ներկայանալ թագաւորին»:  
Երբ այս նամակն ստացուեց, ս. Յովսէփ  
կաթողիկոսը բոլոր եպիսկոպոսաների, երէց-  
ների և նշանաւոր իշխանների ու նախա-  
րարների հետ ժողով արաւ 449 թ. Ար-  
տաշատ քաղաքում և ժողովը բոլորի հա-  
ւանութիւնով գրեց Միհրներսեսի թղթի  
պատասխանը, որի մէջ զօրաւոր փաստե-  
րով ապացուցանում էին քրիստոնէական  
կրօնի ճշմարտութիւնները: Հայերը իրանց  
պատասխանը վերջացրին հետեւեալ խօսքե-  
րով. «Այս հաւատից մեզ, ոչ որ չէ կարող  
հեռացնել՝ ոչ մարդիկ, ոչ սուր և ոչ հուր...  
քո սուրը և մեր պարանոցը, մենք ամենքս  
ուրախութիւնով կը մեռնենք, բայց չենք  
փոխիլ մեր սուրը հաւատը»:

Այս պատասխանը երբ ստանում է Յազ-  
կերտը, հրամայում է հրապարակով կարգալ-  
սողները և՛ գովում էին, և՛ զարմանում  
այնպիսի իմաստուն և համարձակ գրուած-

քի վրայ. իսկ Յազկերտը աւելի ևս զայրա-  
նալով՝ Պարսկաստան է կանչում հայ նշա-  
նաւոր նախարարներին և իշխաններին, ո-  
րոնց ս. Յովսէփ կաթողիկոսը օրհնելով ճա-  
նապարհ է գցում: Չատկի շաբաթ օրը  
նախարարները համուժ են Պարսից դուռը  
բայց ոչ սովորական հանդիսաւորութեամբ,  
այլ բոլորովին անշքօրէն: Երբ նախարարները  
ներկայացան թագաւորին, նա սպառնալից  
եղանակով առաջարկեց նրանց, որ եթէ հե-  
տեւեալ օրը արեգակը ծագելիս չեն երկըր-  
պագիլ արեգակին և իբրև Աստուած չեն  
պաշտիլ, ամենաձանր պատիժների կ'արժա-  
նանան: Այս ժամանակ Վարդան Մամիկո-  
նեանը միւս նախարարների հետ միասին  
ամենամեծ վստահութեամբ յայտնեցին թա-  
գաւորին, որ ամենքը պատրաստ են տա-  
նել այն բոլոր տանջանքները, ինչ որ կա-  
րող է թագաւորի մտքովն անցել և ամե-  
նայն սիրով մեռնել, բան ուրանալ իրանց  
սուրբ հաւատը և ուրիշ կրօն դաւանել:

Թագաւորը երբ այս խօսքերը լսեց, ա-  
ւելի ևս բորբոքուելով՝ հրամայեց բանտար-  
կել բոլոր նախարարներին և խիստ հսկել,

որ ոչ մի մարդ իրաւունք չունենայ նրանց երեսը տեսնել: Բանտարկեալների մօտ երթեկուժ էր միայն թագաւորի մտերիմներէց մինը, Խուժիկ անունով, որ ծածուկ բրիստոնեայ էր. սա խորհուրդ տուաւ նախարարներին, որ առերես թագաւորի հրամանը կատարեն, գնան հայրենիք և այնտեղ միացած ոյժով պաշտպանեն երկիրը: Նախարարները հետևեցին Խուժիկի խորհրդին: Յազկերտը լսելուն պէս, շատ ուրախացաւ և մեծ տօն կատարեց, նախարարներին բանտից ազատեց և բոլորին գանազան պարգևներով վարձատրելով՝ ուղարկեց Հայաստան, նրանց հետ և 700 մոզ, որ Հայաստանում մոզութեան կրօնը տարածեն:

Նախարարների ուրացութեան լուրը նրանցից շուտ հասաւ հայրենիք և զեռ նախարարներն ու մոզերի խումբը տեղ չէին հասած, որ հայ ժողովուրդը՝ մեծ թէ փոքր, մարդ թէ կին բոլոր հոգևորականների հետ մի սիրա և մի հոգի դարձած՝ սուրբ Խաչի և Աւետարանի վրայ երգուեցին, որ ամենքը հաստատ մնալով իրանց հաւատին, զէնք

վերցնեն ուրացողների զէմ և ոչ որ չխնայէ նոյնիսկ իւր ամենամօտ սիրելիին, եթէ նա ուրացած լինի իւր հաւատը: Նախարարները հասան Մաղկոսն գաւառի Անգղ գիւղաբաղաբը: 25 օր այդտեղ հանգստանալուց յետոյ, մոզպետը կամեցաւ առաջին փորձն անել. նա իւր մոզերով յարձակուեց եկեղեցու վրայ, որ քանդի և նրա տեղը կրակատուն շինէ: Այդ օրը եկեղեցում պատարագիչ էր Ղևոնդ երէցը, որ բոլոր ժողովրդի և հոգևորականների հետ իսկոյն դուրս եկաւ և յարձակուելով մոզերի վրայ, ծեծելով վռնդեց այնտեղից: Մոզպետը զարմանալով Հայոց ժողովրդի հաւատի հաստատութեան վրայ, կամեցաւ գրել Յազկերտին և խորհուրդ տալ, որ հրաժարուի Հայերին կրակապաշտ դարձնելու մտքից, որովհետև այդ բանը համարում է անիրագործելի. սակայն Վասակը, որ սրտանց ուրացել էր բրիստոնէութիւնը, համոզում է մոզպետին, որ ինքը Հայերի մէջ շատ հեշտութեամբ կարող է տարածել կրակապաշտութիւնը: Սա իւր նենգամիտ խորհրդով և շողորթութիւնով կարողանում է խաբել միամիտներին,

ընդունել է տալի կրակապաշտութիւնը և շինվում են միքանի կրակատուններ: Ուխտապահ նախարարները Վարդանի հետ իմանալով այս բոլորը, կալանաւորում են ուրացող Վասակին, բայց նա սուրբ Խաչի և Աւետարանի վրայ երդուելով՝ ազատվում է բանտից:

Այնուհետև Հայերը յարձակուելով մոզերի և պարսկական զօրքերի վրայ, մեծ հարուած են տալիս նրանց, գրաւած տեղերը յետ են խլում և շինած կրակատունները բանդում: Երբ այսպէս՝ Հայերը ազատելով երկիրը մոզական կրակապաշտութիւնից, տօնում էին իրանց յաղթութիւնը, յանկարծ լուր են առնում, թէ Պարսից զօրքը մտել է Աղուանք և ստիպում է ընդունել մոզութիւնը: Վասակը դիտմամբ Հայոց զօրքը բաժին-բաժին է անում՝ նրանց ոյժը թուլացնելու համար. նա Վարդանին իւր գնդով ուղարկում է Աղուանից աշխարհ, ինքը մեծ բանակով մնում է Արարատեան գաւառում, Ներշապուհ Արծրունի իշխանին յանձնում է Պարսից սահմանազուխը պաշտպանել և իւր այս կարգադրութիւնը

յայտնում է պարսիկներին: Վարդանը Աղուանից աշխարհում կոտորում է մոզերին և բանդում կրակատունները, բայց յանկարծ լուր է ստանում, թէ Վասակը ժրխտելով իւր երդումը, այրում է Հայոց գիւղերը և կոտորում բնակիչներին, ուստի և անմիջապէս շտապում է իւր զօրքով Հայաստանն ազատելու: Վասակը լսելով այդ մասին, փախչում է Սիւնիք՝ իւր գաւառը. և որովհետև ձմեռը վրայ է հասնում, ուստի և զօրքերը հանգստանում են և երկրի մէջ խաղաղութիւն է տիրում:

Հայերը զայրանալով Վասակի անհաւատարմութեան վրայ, խորհուրդ արին և մի պատգամաւոր ուղարկեցին Յազկերտի մօտ ասելու՝ որ պատրաստ են հնազանդել թագաւորին, եթէ ազատութիւն տրուի բրիստոնէութիւնը պաշտել, յայտնելով նաև որ այս բոլոր անկարգութիւնների և մեծամեծ վնասների բուն պատճառը Վասակն է: Այս որ լսեց թագաւորը, փոքր ինչ մեղմացաւ և ազատութեան թուղթ տուաւ, որ բրիստոնէութիւնը ամենայն տեղ պաշտուի համարձակ: Սակայն այդ ազատութիւնը

ժամանակաւոր էր և միայն Հայերին միա-  
մտացնելու համար: Յազկերտը շուտով փո-  
խեց իւր միտքը և հրամայեց Միհրնբերսէ՛՛  
հազարապետին մեծ զօրք ժողովել և փղե-  
րի երամակներով յարձակուել Հայերի վրայ  
և զէնքի ոյժով ընդունել տալ մոզական  
կրօնը: Այս դառն ժամանակին թէև Հայերը  
պատգամաւոր ուղարկեցին Յունաց կայսրի  
մօտ օգնութիւն խնդրելով, բայց մերժումն  
ստացան և պարտաւորուեցին իրանց սեպ-  
հական ոյժով պաշտպանել քրիստոնէու-  
թիւնը:

19.

Ա.Ի.Ա.ՐԱՅՐԻ ՊԱՏԵՐԱԶՄԸ ԵՒ ՍՈՒՐԲ ՎԱՐԳԱՆԱՆՅ ԵՒ  
ՂԵՒՈՆԳԵԱՆՅ ՆԱՀԱՏԱԿՈՒԹԻՒՆԸ

Զատկական տօնին Միհրնբերսէ՛՛ հասաւ  
Փայտակարան նահանգը. Հայոց ուխտա-  
պահ նախարարներն էլ, մանաւանդ Վար-  
դան Մամիկոնեանը, տեսնելով Վասակի շա-  
րութիւններն ու Պարսից ահագին պատ-  
րաստութիւնը, պատերազմի հրաւեր կար-  
գացին բոլոր հայ ժողովրդին: Հաւաքուեց  
66,000 կամաւոր զօրք և բանակ կազմելով՝

զօրախումբը գնաց դէպի Աւարայրի գաշտը  
և կանգ առաւ Տղմուտ գետի ափին. նոյն  
տեղը եկել էին և ս. Յովսէփ կաթողիկոսը,  
Ղևոնդ երէցը, Սահակ եպիսկոպոսը և բա-  
հանաներ՝ մասնակցելու պատերազմին: Իսկ  
Պարսից ահագին բանակը վաղուց անցնելով  
Հեր և Զարեանդ գաւառներից, բանակ էր  
դրել նոյն Տղմուտ գետի միւս կողմում: Պա-  
տերազմից առաջ՝ Վարդան Մամիկոնեանը  
իւր ճառով և Ղևոնդ երէցը իւր բարոզով  
ոգեւորում են իրանց սակաւաթիւ զօրքերին  
և ասում. «Զվախենանք թշնամու բազմու-  
թիւնից, այլ բաջութեամբ պատերազմենք,  
որ կամ յաղթենք և կամ բաջութեամբ ըն-  
դունենք պատերազմի սուրբ մահը, միայն թէ  
մեր տղամարդութեան հետ չխառնենք վա-  
տութիւն: Ս. Ղևոնդը և միւս քահանաներն  
այդ օրը պատարագ մատուցանելով, խոս-  
տովանում և հաղորդում են զօրքերին: Միւս  
առաւօտը՝ որ Հոգեգալստեան տօնի եօթ-  
ներորդ օրն էր 451 թ. յունիս ամսին,  
սկսվում է արինասհեղ պատերազմը, որ շա-  
րունակվում է մինչև երեկոյ: Երկու կողմն  
էլ համարում էր իրան թէ յաղթած և

Թէ յաղթուած: Հայոց սպարապետ քաջ  
Վարդանը, որ առաւօտից մինչև երեկոյ  
թշնամու զօրքից շատերին էր սպանել, ինքը  
ևս երեկոյեան դէմ ընկաւ պատերազմու  
և նահատակուեց: Վարդանի հետ նահա-  
տակուեցին ութ նախարարներ և զինուոր-  
ներ, որոց թիւը հասնում է 1036 հոգու-  
պարսիկների կողմից սպանուեցին 3544  
մարդ: Այսպէս բրիստոնէական հաւատի և  
ազգային եկեղեցու ազատութեան համար  
զոհեցին իրանց անձը այն սուրբ նահա-  
տակները, որոնց յիշատակը մեր եկեղեցին  
կատարում է «Վարդանանց զօրավարաց և  
1036 վկայից» անունով բուն բարիկենդանի  
վերջին յաբաթի հինգշաբթի օրը:

Պատերազմից յետոյ պարսիկներն աւե-  
րեցին Վաղարշապատն ու ս. Էջմիածինը,  
որ այն ժամանակ կաթողիկէ էր կոչվում,  
ուստի և հարկ եղաւ Հայրապետական  
Աթոռը տեղափոխել Դուին, որ Վաղար-  
շապատից հեռու չէր:

Պատերազմը վերջանալուց յետոյ Պար-  
սից զօրավարը գնալով Թագաւորի մօտ,  
համոզեց նրան, որ անհնարին է հայերին

կրակապաշտ դարձնելը. ՚ի զուր երկիրն ա-  
ւերվում է և արքունիքը մեծամեծ փնաս-  
ների ենթարկվում, և բոլոր փնասների պատ-  
ճառը համարելով ուրացող Վասակին, խիստ  
բողոքեց նրա դէմ: Յազկերտը հրամայեց  
Վասակին կանչել, զրկեց նրան բոլոր իրա-  
ւունքներից ու պատուից և հրամայեց բան-  
տարկել, ուրնա ամենադառն տանջանքներից  
յետոյ որդնալից եղաւ և մեռաւ:

Սրանից յետոյ Յազկերտը հրաման հա-  
նեց և առ երեսս ազատութիւն տուաւ. Հայ-  
երին իրանց կրօնը պաշտելու, նրանց վրայ  
նշանակելով մի խորամանկ և բռնակալ կա-  
ռավարիչ Ատրորմիզդ անունով, որ իւր խա-  
բերայ և խարդախ բնաւորութեամբ կա-  
րողացաւ խաբել նշանաւոր հայ հոգևորա-  
կաններին ու նախարարներին և ուղարկել  
Պարսկաստան՝ ներկայանալու Թագաւորին:  
Միհրներսէսը թէպէտ Թագաւորի հրամա-  
նով առ երեսս ընդունեց նրանց պատուով,  
բայց յետոյ նրանց բոլորին բանտարկել տուաւ  
և սպա հրամայեց տանել նրանց Նիւշա-  
պուհ բաղաքը և յանձնել մոզպետի հսկո-  
ղութեան, որ նրանց դարձնի կրակապաշտ:



սակայն մոգպետը տեսնելով նրանց առաքինի կեանքը, ինքն ընդունեց քրիստոնէութիւն: Յազկերտը երբ իմացաւ դառնացած սրտով հրամայեց հանել բանտից հայ հոգեւորականներին և բոլորին էլ կոտորել: Այս նահատակութիւնը Ղևոնդ երէցի անունով կոչուեց «Ղևոնդեանց նահատակութիւն», որոնց յիշատակը մեր եկեղեցին կատարում է բուն բարիկենդանի երեքշաբթի օրը: Ապա ազատուեցին բանտարկուած նախարարները չորսամեայ բանտարկութիւնից յետոյ:

20.

ՄԵՐ ԵԿԵՂԵՑՈՒ ՆՇՍ.ՆՍ.ԻՈՐ ԿԱԹՈՂԻԿՈՍՆԵՐԸ Վ.ՐԳ. ԴԱՐՈՒՄ

Հինգերորդ դարում մեր եկեղեցին ունեցել է տասներկու կաթողիկոս, որոց մէջ նշանաւոր համարվում են հինգը՝ իրանց ազգասիրական գործունէութեամբ և սրբակեաց կեանքով. այն է՝ ս. Սահակ, ս. Մեսրոպ, ս. Յովսէփ, Գիւտ և Յովհան Մանդակունի:

Ս. Սահակ Պարթևի և ս. Մեսրոպ Մաշտոցի համառօտ նկարագիրն արդէն արած լինելով գրքոյկիս 16-րդ գլխում, դառնանք միւս կաթողիկոսներին:

Ս. Յովսէփ կաթողիկոսը՝ Վայոց Ձորեցի (Դարալագեաց), ս. թարգմանիչների նշանաւոր աշակերաններից մինն է և ս. Մեսրոպի մահից յետոյ համարվում է նրա արժանաւոր յաջորդը: Սա Շահապիվան քաղաքում 447 թ. ժողովք արաւ և վերջ դրաւ եկեղեցու մէջ մտած զանազան անկարգութիւններին և սահմանեց կանոններ եկեղեցու բարեկարգութիւնների համար: Վարդանանց պատերազմի ժամանակ իբրև կաթողիկոս նոյնպէս ժողովք արաւ Արտաշատ քաղաքում, ուր գրուեց Յազկերտի հրովարտակի պատասխանը, բայց պատերազմից յետոյ կալանաւորուեց պարսիկներից ս. Ղևոնդեանց հետ, բանտարկուեց Պարսկաստանում և նահատակուեց:

Գիւտ կաթողիկոսը՝ որ նոյնպէս թարգմանիչների աշակերաններից է, բաջ գիտէր յունական լեզուն, վարում էր բարեպաշտ և սրբակրօն կեանք, կաթողիկոս ընտրուեց

465 թ. եօթանասնամեայ հասակի մէջ: Սա բարեպաշտ վարք ունէր, եկեղեցական գիտութիւնների մէջ ունեցած հմտութեամբ ճոխացրեց և կարգաւորեց մեր եկեղեցու ժամակարգութիւնը ընտիր աղօթքներով և շարականներով: Սրա ժամանակ պարսիկները դարձեալ շարունակոււմ էին ստիպել հայերին ուրանալ իրանց հաւատը, բայց կաթողիկոսի կողմից հանդիպոււմ էին մեծ դիմադրութեան: Սրա ջանքերով շատ կրակատուններ խորտակուեցին, ուրացեալ նախարարներին և այլոց խիստ լեզուով հանդիմանոււմ էր թէ խօսքով և թէ գրով, ուստի և նրանց կողմից ամբաստանուեց և արսորուեց Պարսկաստան՝ զրկուելով Հայրապետական իշխանութիւնից և վախճանուեց 475 թ.: տասը տարի վարելով Հայրապետական իշխանութիւնը:

Յովհան Մանդակունին՝ որ նոյնպէս համարվում է ս. թարգմանիչների աշակերտ և ընկերակից Գիւտին, կաթողիկոս ընտրուեց 480 թ., եօթանասունեհինգ ամեայ հասակի մէջ: Սա իւր սրբութեամբ և հմտութեամբ մեծ հռչակ ստացաւ: Սրա ջանքով

պակասեց հաւատուրացների թիւը և աւելացաւ ազգային եկեղեցուն հաւատարիմ նախարարների և իշխանների թիւը: Իւր իմաստութեամբ բարեկարգեց Աթոռը և իւր հմտութեամբ ու վայելուչ կանոններով զարդարեց մեր եկեղեցու Աստուածպաշտութեան կարգերը նորանոր աղօթքներով, բարոզներով և շարականներով: Սա իւր իմաստալից յորդորներով քաջալերեց Վահան Մամիկոնեանին և Հայոց զօրքին, որոնք կարողացան բաջութեամբ յաղթել Պարսից արքային և յաղթութիւնից յետոյ՝ եկեղեցու մէջ մի փառաւոր ատենաբանութեամբ օրհնեց բոլորին և վախճանուեց վեցամեայ կաթողիկոսութիւնից յետոյ:

21.

ՔՐԻՍՏՈՍԻ ԴԱՍՏԱՌԱԿԻ ՅԱՅՏՆՈՒԹԻՒՆԸ ԵՒ ՓՈՒԱԴՐՈՒԹԻՒՆԸ ԵՒԵՄԻԱ ՔԱՂԱՔԻՑ Կ. ՊՈԼԻՍ

Քրիստոսի դաստառակը, որ Աբգար հայոց թագաւորն ստացել էր, Յդեսիա քաղաքի պահպանութեան համար գրուած էր քաղաքի պարսպի դռան վրայ: Աբգարի մահից յետոյ, երբ նրա որդի Անանէն ուրանալով

բրիստոնէական հաւատը, նորից իրաւունք ստուալ բանալ կռատունները և հալածուի էր բրիստոնեաներին, Ադղէ հայրապետը թագգրեց դաստառակը՝ որի մէջ և մնաց անյայտ մինչև 539 թիւը: Այդ ժամանակ Պարսից Խոսրով թագաւորը յարձակուեց Յունաստանի սահմանի վրայ և լսելով Եղեսիայի անառիկ լինելը, իւր զօրքով զնաց և պաշարեց քաղաքը: Բնակիչները սաստիկ վախեցած, իրանց ջերմեռանդ աղօթքով դիմեցին Աստծուն, որ ազատէ իրանց այդ աղէտից: Նոյն գիշերը քաղաքի եպիսկոպոսին յայտնուեց հրաշքով դաստառակի տեղը և երազի մէջ հրաման ստացաւ՝ հանել տալ պատկերը և նրանով ազատել քաղաքը թըշնամու յարձակումներից: Եպիսկոպոսը կատարեց, ինչպէս որ յայտնուեց նրան, և այս երկնային հրաշքով Պարսիկները՝ յուսահատուած ու ամօթով վերադարձան: Փրկչի դաստառակը (անձեռագործ պատկերը) մնաց Եղեսիայում մինչև 944 թ., այն է՝ մինչև նրա Կոստանդնուպոլիս տեղափոխելը:

Փրկչի անձեռագործ պատկերը Եղեսիայից փոխադրուեց Կ. Պոլիս 944 թ. օ-

գոստոսի 16-ին: Յունաց հայազգի Ռոմանոս կայսրը գրեց Եղեսիայի բնակիչներին ու քաղաքի իշխանին և իննդրեց, որ ուղարկեն Քրիստոսի դանձառակը և Աբգարին ուղարկած նամակը, որի համար խոստացաւ փոխարէնը տալ նրանց թանկագին պարզկներ: Այս խնդիրը չյարգուեց ոչ իշխանի և ոչ բնակիչների կողմից, ուստի կայսրը մեծ զօրք ուղարկեց և հրամայեց բռնութեամբ խլել նրանցից: Քաղաքի իշխանը երկիւղից ստիպուած հրամայեց, որ կայսեր ցանկութիւնը կատարուի. ուստի երկու եպիսկոպոս վերցրին դաստառակը և մեծ հանդէսով տարան Կոստանդնուպոլիս: Երբ լսեցին քաղաքի բնակիչները՝ պատրիարքի հետ միասին տարան բազմեցրին ս. Աստուածածնայ եկեղեցու մէջ և սահմանեցին իւրաքանչիւր տարի տօն կատարել օգոստոսի 16-ին: Այս անգին զանձր պահած մնում էր Կ. Պոլսում մինչև 1325 թ., երբ կայսրների մէջ ինչ-ինչ խռովութիւն պատահելով, անյայտացաւ այն արկղը, որի մէջ պահուած էր Քրիստոսի ուղարկած նամակը Աբգար թագաւորին, իսկ դաստառակը փո-

խաղրուեց Իսապիա, Գենուա բաղաբը, ուր  
ամուր պահարանի մէջ դրին և փականը-  
ներով փակեցին, որ մինչև այսօր էլ պահ-  
պանվում է մեծ զգուշութեամբ:

22.

ՍՈՒՐԲ ԽԱՉԻ ԳԵՐՈՒԹԻՒՆԸ ՊԱՐՄԿԱՍՏԱՆ ԵՒ ՎԵՐԱ-  
ԳՍԱԶԸ.—ՎԱՐՍԳՍԱՅ ՍՈՒՐԲ ԽԱՉԻ ՅԱՅՏՆՈՒԹԻՒՆԸ

Աբրահամ կաթողիկոսի վերջին տարի-  
ներում Պարսից Խոսրով թագաւորը, որի  
անհաշա թշնամութիւնը դեռ ևս շարու-  
նակվում էր Յունաց հետ, 614 թ. մեծ զօրք  
ժողովեց, գնաց Պաղեստին, առաւ Երու-  
սաղէմ բաղաբը, վերցրեց Յիսուսի խաչը և  
երեսուն հազար հոգի գերի ու տարաւ Պարս-  
կաստան, նոյնպէս և այնտեղի Զաքարիա  
պատրիարքին, իսկ խաչափայտը դրեց իւր  
կռատանը և պահում էր մինչև 629 թ.  
ի նախատինս բրիտաններէից:

Սրանից յետոյ Յունաց Հերակլ կայսրը  
զօրեղանալով, մեծ զօրք ժողովեց, գնաց  
և պատերազմեց Խոսրովի հետ, քչեց պար-  
սիկներին իւր սահմանից, Խոսրովն էլ ահից  
փախաւ: Հերակլին յաջողուեց յետ ստանալ

Քրիստոսի ս. Խաչափայտը և 629 թ. Եկաւ  
Երուսաղէմ, ուր ինքը իւր ուսին դրած,  
տարաւ ս. Խաչը և բազմեցրեց նոյն խո-  
րանում, որտեղից պարսիկները տարել էին,  
և ապա Երուսաղէմի Մակարիոս պատ-  
րիարքը մեծ հանգէս կատարելով, տօնակար-  
դեց սեպտեմբեր ամսի 14-ին, որ կոչուեց  
«Վերացման ս. Խաչի» տօն:

Սուրբ Հռիփսիմեանց կոյսերը իրանց  
հալածանաց ժամանակ գալով Հայաստան,  
բնակուեցին Վարապայ սարում և սուրբն  
Հռիփսիմէ իւր խաչը թաղեց այնտեղ, որ  
653 թ. հրաշքով յայտնուեց Թողիկ անու-  
նով մի ճգնաւորի: Թողիկը աւանդութեամբ  
լսել էր, որ ս. Հռիփսիմէի կրած խաչը թաղ-  
ուած է այնտեղ Հռիփսիմէ կոյսի ձեռ-  
քով. մի անգամ նա՝ իւր Յովել աշակերտի  
հետ աղօթելու ժամանակ լսեց մի ձայն և  
բարի վրայ երևաց մի պայծառ լոյս, որի  
չորս կողմը փայլում էին տասներկու հրե-  
ղէն սիւներ, լսեց նոյնպէս հրեշտակնե-  
րի փառաբանութեան ձայներ: Սրանից

յետոյ տեսնում է մի լուսեղէն խաչ, որ վերանում է իւր տեղից և մանում եկեղեցի ու կանգնում սեղանի առաջ: Այն ժամանակ Թողիկն ու իւր աշակերտը մտնում են եկեղեցի և տեսնելով Քրիստոսի խաչը փայլելիս՝ երկրպագում են: Իսկ լուսեղէն սիւները տասներկու օր մնում են, որ և հետաւոր տեղի բնակիչներին ևս տեսանելի է լինում, ուստի մեծ բազմութիւն է ժողովում այնտեղ, որոնց հետ էր և մեր Ներսէս Փ. Շինող Հայրապետը, որ սիւների տեղը շինեց տասներկու եկեղեցի: Ներսէս Հայրապետը հոկտեմբեր ամսում տօն սահմանեց, որ և կոչուեց «Վարազայ ս. Խաչի» տօն:

23.

## ՆԵՐՍԷՍ ՇԵՈՐՀԱԼԻ

Երբոր Կիլիկիայում կազմուեց հայկական նոր իշխանութիւն՝ «Ռուբինեան հարրատութիւն» անունով, և Կիլիկիան դարձաւ հայկական մի մեծ գաղթավայր, Հայրապետական Աթոռն էլ տեղափոխուեց այնտեղ: Բուն Հայաստանում մնացածները կոչվում

էին Արևելեան հայք, իսկ զէպի արևմուտք և Կիլիկիա գաղթածները՝ Արևմտեան հայք: Արևելեան հայք թանգ զնահատելով իրանց եկեղեցու ազգային ինքնուրոյնութիւնը՝ չէին կամենում որևէ ուրիշ եկեղեցու հետ միանալ, իսկ Արևմտեան հայք, յատկապէս Պաշլաունի կաթողիկոսները, ձգտում էին միութեան:

Տասներկուերորդ դարում իւր սրբակրօն և առաքինի կեանքով փայլու է Ներսէս Կլայեցին, որ իւր իմաստալից գրուածքների համար անուանուեց շնորհալի: Քրիզոր Պաշլաունի կաթողիկոսը խորին ծերութեան հասնելով, Հռոմկայում ժողովականների համաձայնութեամբ Ներսէս Կլայեցուն, որ իւր եղբայրն էր, 1166 թ. ձեռնադրում է Կաթողիկոս ամենայն Հայոց, և ինքը երէք ամսից յետոյ վախճանուելով Հայրապետական գահի իշխանութիւնը թողնում է Ներսէսին:

Չնայելով որ նորընտիր հայրապետի առաջ գրուած էր Յունաց եկեղեցու հետ միութեան մեծ և աղմկալից խնդիրը, որի դէմ պարտաւոր էր միշտ մաքառելու, այ-

նուամենայնիւ նախ և առաջ իւր մեծ ու-  
շադրութիւնը դարձրեց Ազգի և Եկեղեցու  
ներքին գործերի վրայ:

Ներսէսը գրեց մի «Ընդհանրական» կոն-  
դակ՝ Աստուածային հոգւով և լի իմաստու-  
թեամբ, նա իւր քաղցր և ազդու խօսքե-  
րով ու յորդորներով խրատում է եկեղեցու  
առանձին-առանձին դասակարգերին՝ իւրա-  
քանչիւրին հասկացնելով իւր պարտականու-  
թիւնը:

Ներսէս Ենորձալին չբաւականացաւ իւր  
հայրապետական ներքին գործերի բարե-  
կարգութիւններով, այլ թողեց նաև շատ  
գրաւոր աշխատութիւններ, այն է՝ շատ հու-  
գելից երգեր ու շարականներ, Հայոց հա-  
մառօտ պատմութիւն, մի չափաբերական  
գրուածք, որ կոչվում է «Յիսուս Որդի» և  
այլ գրուածքներ:

Ապա զբաղուեց Յունաց կողմից առա-  
ջարկուած՝ եկեղեցիների միութեան խրնդ-  
րով, որ սկիզբն էր առել զեռ իւր նախոր-  
դի ժամանակ: Ներսէսը յաջորդելով իւր  
եղբայր Գրիգոր Պահլաւունուն, զանազան  
նամակներ գրեց Յունաց Մանուէլ կայսեր

և Միքայէլ պատրիարքին՝ ներկայացնելով  
նրանց Հայոց եկեղեցու դաւանութիւնը:  
Այսքը և պատրիարքը սիրա առնելով Ներ-  
սէսի նամակներից՝ պատգամաւորներ ուղար-  
կեցին նրա մօտ, որոնք եկան Հռոմիկայ և  
երկար խօսեցին հաւատի և եկեղեցու արա-  
րողութիւնների վրայ, որի միջոցին պար-  
զուեցին միքանի թիւրիմացութիւններ, որ  
երկու եկեղեցիների մէջ վէճերի առարկայ  
էին դարձել դարերի ընթացքում: Պատգա-  
մաւորները Հայ եկեղեցու դաւանութեան և  
եկեղեցական կարգերի մասին Ներսէսից  
թուղթ ստացան և դարձան Կոստանդնու-  
պօլիս. Յոյները հաւանութիւն տուին: Այսքը  
և Կ. Պօլսի յոյն պատրիարքը ևս միու-  
թեան գործը ՚ի կատար ածելու համար  
թուղթ ուղարկեցին: Այս միջոցին Ներսէս  
Ենորձալի կաթողիկոսը նկատելով գործի  
յաջողութիւնը, Հայաստանի բոլոր եպիսկո-  
պոսներին միաբան ժողովով՝ նամակներ գրեց  
և ինչդրեց նրանց համաձայնութիւնը այս  
խնդրում: Սակայն զեռ պատասխան չստա-  
ցած՝ վախճանվում է 1173 թ. 75 տարեկան  
հասակում, եօթը տարի վարելով իւր իշ-

խանութիւնը, և միաբանութեան խորհուրդը  
մնում է անկատար: Ենորհալուն յաջորդում  
է իւր եղբօր որդի Գրիգորը:

24.

ԳՐԻԳՈՐ ՏՂԱՅ ԵՒ ՆԵՐՍԵՍ ԼԱՄԲՐՈՆԱՅԻ

Գրիգոր կաթողիկոսը՝ մականուանեալն  
Տղայ, յաջորդելով Ենորհալուն, հետեւեց իւր  
նախորդներին՝ Յունաց հետ միաբանական  
սէր և համերաշխութիւն ունենալու խնդ-  
րում: Նա հաստատեց եկեղեցական այն  
բոլոր կարգերը, ինչ որ սահմանել էր Ենոր-  
հալին: Սա միութեան գործը ՚ի կատար ա-  
ծելու համար հայ եպիսկոպոսների հետ  
թղթակցութիւն անելուց յետոյ, Հռոմկլայ-  
ում ժողով գումարեց 1179 թուին: Այս  
ժողովում Ներսէս Լամբրոնացին մի ազ-  
գու ատենաբանութեամբ կամենում էր ցոյց  
տալ անմիաբանութիւնից յառաջ գալիք  
վնասները և միաբանութիւնից՝ մեծամեծ  
օգուտները: Այս խնդրի առիթով Յունաց  
միարօպօլիտները ևս ժողովը արին Կ. Պոլ-  
սում և առաջարկեցին Հայոց՝ ընդունել  
Քաղկեդոնի ժողովը: Կաթողիկոսը ժողով

գումարելով հաւանութիւն տուաւ այս ա-  
ռաջարկութեանը և միայն 33 եպիսկոպոս-  
ների ստորագրութեամբ ժողովի վճիռն ու-  
ղարկեց Կ. Պոլիս յատուկ թղթատարով,  
որոնք արգելքի հանդիպելով Կեսարիայից  
վերադարձան: Երբ Գրիգոր Տղայ պատ-  
րաստվում էր նորից ժողովի վճիռն ուղար-  
կել, լսուեց Մանուէլ կայսեր և Միքայէլ  
պատրիարքի մահը, որով և միութեան խըն-  
դիրը դարձեալ մնաց անկատար:

Թէև կայսեր և պատրիարքի մահով  
միութեան խնդիրը մնաց առկախ, այնու-  
ամենայնիւ Հռոմկլայի ժողովի վճիռը և  
Լամբրոնացու ատենաբանութիւնը մեծ գրթ-  
գոհութեան առիթ էր տուել մանաւանդ  
Արևելեան հայերին: Բուն Հայաստանցիք,  
այն է՝ Չորապետցիք, Սիւնեցիք, Երասկե-  
ցիք և Սանասնեցիք, որոնց զխաւորն էր  
Սանասնու վանքի վանահայր Գրիգոր Տու-  
տէորդին, միութեան մասին լսել անգամ  
չէին կամենում: Գրիգոր Տուտէորդին մի  
շատ համարձակ նամակով յանդիմանում է  
Գրիգոր կաթողիկոսին և նրա բոլոր խորհր-  
դակիցներին: Արևելեան Հայք այլևս չէին

ցանկանում Գրիբորին կաթողիկոս ճանաչել, այլ կամենում էին Անի բաղաբի Բարսեղ ա- նունով մի եպիսկոպոսի օծել կաթողիկոս:

Յունական եկեղեցու միութեան խնդիրը առկախ մնալուց յետոյ ատելութիւնն աւելի ևս բորբոքուեց Հայերի և Յոյների մէջ նա- մանաւանդ այն ժամանակ, երբ Հայերը համակրութիւն ցոյց տուին զէպի խաչա- կիրները, երբ նրանք գնում էին Պա- դեստին՝ ազատելու Երուսաղէմը մահմեդա- կաններից: Հայոց Լեւոն իշխանը և Գրիգոր կաթողիկոսը խաչակիրներին ընդառաջ գնա- ցին մինչև Սիլեկիա բաղաբը և բերին Կի- լիկիա, ուր և տալով նրանց մեծ պաշար, սիրով հիւրընկալեցին: Սրա համար Գերմա- նիայի Ֆրիդրիկոս կայսրը Հայոց կաթողի- կոսին և իշխանին մեծամեծ խոստումներ է անում, բայց տակաւին Երուսաղ չվերադար- ձած՝ մեռնում է և բոլոր խոստումները մնում են անկատար:

Գրիգոր Տղայ 20 տարի Հայրապետա- կան իշխանութիւնը վարելուց յետոյ 1193 թ. վախճանուեց և թաղուեց Հռոմկլայում իւր նախորդների մօտ:

Ներսէս Ենորհալու վերջին տարիներում և Գրիգոր Տղայի կաթողիկոսութեան օրե- րում նշանաւոր էր Տարսոնի եպիսկոպոս Ներսէս Լամբրոնացին, որի հայրն էր Լամբ- րոնի տէր Օշին իշխանը: Վերջինս ամուսնա- նալով Ենորհալու Շահանդուխտ դստեր հետ, ունեցաւ հինգ արու զաւակ, որոնցից մինն էր Ներսէս Լամբրոնացին, որի նախկին ա- նունն էր Սմբատ: Ներսէսը մօր արգանդից նուիրուած լինելով հոգևոր կոչման, ծնողները տարան նրան Սկևռայ վանքը և յանձնեցին ոմն Յովհաննէս անունով վարդապետի դաս- տիարակութեան: Նա լաւ սովորեց յունա- րէնը, լատիներէնը և եգիպտերէնը. 16 տա- րեկան էր, երբ մեռաւ նրա հայրը. մայրը տարաւ նրան իւր հօրեղբայր Ենորհալու մօտ և ձեռնադրել տուաւ արեղայ. 18 տա- րեկան հասակում նա արդէն քարոզչի պաշ- տօն ստացաւ իւր հայրենի բաղաբում, ուր մեծ յառաջադիմութիւն ցոյց տուաւ և իւր բնական ձիրքով ու պերճախօսութիւ- նով զարմացնում էր ամենքին, ստանալով մեծ քարոզչի հռչակ: Ապա առանձնանալով



վանքը, պարապում էր գրուածքներով և  
[Թարգմանութիւններով]:

Ներսէսը իւր 23 տարեկան հասակում,  
այն է՝ 1176 թ. Գրիգոր կաթողիկոսից  
ձեռնադրուեց Լամբրոնի արքեպիսկոպոս,  
որ ամենայն աշարժութեամբ կառավարում  
էր իւր հօար: Սակայն նկատելով որ առաջ-  
նորդական պաշտօնը արգելք է լինում իւր  
գրաւոր աշխատութիւններին, [Թողեց իւր  
վիճակը և կրկին վանք գնաց, ուր գրեց  
սուրբ պատարագի մեկնութիւնը և նորից  
վերադառնալով իւր աստուծոյ, սկսեց հովուել  
իւր վիճակը: Ապա գրեց բազմաթիւ գրուածք-  
ներ, մեկնութիւններ, ճառեր և շարական-  
ներ, գրեց նոյնպէս «Հարանց վարք» անու-  
նով գիրքը:

Ներսէս Լամբրոնացին՝ իւր համարձակ  
և ազդու ատենախօսութեան համար հա-  
մարվում է արժանաւոր յաջորդ Պողոս ա-  
ռաքեալի: Ներսէս Լամբրոնացին վախճանե-  
ուեց 1198 թ. 45 տարեկան հասակում:

## ՇՐՋԱՆ Դ

19-ՐԴ ԴԱՐԻ ՄԵՐ ԿԱԹՈՂԻԿՈՍՆԵՐԸ

25.

ՅՈՎՍԷՓ ԱՐԲԵՊԻՍԿՈՊՈՍ ԱՐՂՈՒԹԵԱՆ ԵՒ ԵՓՐԵՄ  
ԿԱԹՈՂԻԿՈՍՆԵՐԸ

18-երորդ դարի վերջին կաթողիկոսը  
համարվում է Ղուկաս Կարնեցին, որ 1780  
թուին ընտրուելով, վախճանուեց 1799-ի  
գեկտեմբերի 27-ին: Ղուկաս կաթողիկոսի  
մահից յետոյ կաթողիկոս ընտրուեց Ռու-  
սաստանի առաջնորդ Յովսէփ արքեպիս-  
կոպոս Երկայնաբազուկ-Արղութեանց 1800  
թ. և հաստատուեց Ռուսաց և Տաճկաց կա-  
ռավարութիւններից, և երբ ուղևորվում էր  
դէպի ս. Էջմիածին օծումն ընդունելու,  
Թիֆլիզում ընդունուեց մեծ հանդէսով, բայց  
միքանի օրուայ հիւանդութիւնից յետոյ  
վախճանուեց 19 մարտի 1801 թ., որի  
մարմինը տարան և [Թաղեցին ս. Էջմիած-  
նում:

Յովսէփ արք-եպիսկոպոսը իւր երկար-  
ամեայ առաջնորդութեան ժամանակ թէ՛  
Ռուսաց արքունիքից և թէ՛ հայ ժողովրդ-  
դից վայելում էր մեծ յարգանք իւր հաւա-  
տարիմ և օգտաւէտ գործունէութեանց  
համար: Նրա յորդորմամբ Խրիմի հայերը  
մեծ բազմութեամբ գաղթեցին Դօն գետի  
հովիտը և այնտեղ շինեցին մի նոր քաղաք  
Նոր-Նախիջևան անունով. նոյն տեղը շի-  
նեց նոյնպէս միքանի գիւղեր՝ բնակե-  
ցնելով այնտեղ հայ ժողովուրդ և ձեռք բե-  
րաւ նրանց համար զանազան արտօնու-  
թիւններ. շինեց ս. Խաչ վանքը, որ քաղա-  
քից հեռու է մի ժամով. իսկ Հաշտարխան  
քաղաքում շինեց մի եկեղեցի Պետրոս և  
Պօղոս առաքեալների անունով:

Յովսէփի մահից յետոյ կաթողիկոս ըն-  
տրուեց Կ. Պօլսի Դանիէլ պատրիարքը,  
սակայն մինչև սրա ս. Էջմիածին հասնելը,  
Էջմիածնի միաբան, Էնեգէթցի Դաւիթ  
եպիսկոպոսը իւր ազգականների ձեռնաու-  
թեամբ Նրևանի պարսիկ սարգարի հրա-  
մանով կաթողիկոսութիւնը զրաւեց և նոյն  
թուի ապրելի 28-ին օծումն ընդունեց,

որով և ծագեց Դաւիթ-Դանիէլեան վէճը և  
շարունակուեց բաւական ժամանակ, մինչև  
որ Ազգի իշխանների միջոցով Դանիէլը՝ որ  
1802 թ. մայիսի 25-ին Իւչ-քիլիսայի  
ս. Յովհաննէսի վանքում օծուել էր, ժա-  
ռանգեց կաթողիկոսական գահը և վախ-  
ճանուեց 1810 թուին: Սրան յաջորդեց  
նոյն թուի նոյեմբերի 6-ին Հաշտարխանի  
Եփրեմ արք-եպիսկոպոսը:

Եփրեմը կաթողիկոսանալով, կարողա-  
ցաւ իւր մեղմ բնավորութեամբ վերջ դնել  
Դաւթեանց և Դանիէլեանց վէճերին: Սրա  
ժամանակ ընդարձակուեց Էջմիածնի գրա-  
տունը և նորոգուեց տաճարի տանիքը.  
բայց մի կողմից իւր առատաձեռնութիւնը  
և միւս կողմից պարսկական բռնութիւն-  
ները պատճառ դարձան Աթուի ծանր  
պարտքերի տակ ընկնելուն: Եփրեմ կա-  
թողիկոսը չկարողանալով վճարել այդ  
պարտքը, դիմեց Ռուսաց տէրութեան սահ-  
մանը, գնաց Շուշի, յետոյ 1822-ին Հախ-  
պատ և ապա Տփլիս, և երբ Ռուսաց տէ-

րութիւնը նուաճեց Երևանը, այնուհետև միայն կաթողիկոսը վերագարձաւ իւր Հայրապետական Աթոռը ս. Էջմիածին. բայց որովհետև ծերութեան պատճառով արդէն աչքերի լոյսը պակասել էր, ուստի 1830 թ. հրաժարուեց գահից, բսան տարի Հայրապետական իշխանութիւնը վարելուց յետոյ: Այնուհետև ապրեց այլևս հինգ տարի, վախճանուեց 1835 թ. և թաղուեց միաբանութեան հասարակաց գերեզմանատանը, ինչպէս որ ինքն առաջուց կտակել էր:

26.

ՅՈՎՀԱՆՆԷՍ Ը. ԿԱՐԲԵՑՈՒ ԿԱԹՈՂԻԿՈՍՈՒԹԻՒՆԸ ԵՒ ՀԱՅՈՑ ԵԿԵՂԵՑԱԿՈՆ ՎԱՐՁՈՒԹԵԱՆ ԿԱԶՄԱԿԵՐՊՈՒԹԻՒՆԸ ՌՈՒՍՍՍՏԱՆՈՒՄ

Եփրեմ կաթողիկոսի կենդանութեան ժամանակ 1831 թ. ս. Էջմիածնում գումարուած ժողովով կաթողիկոս ընտրուեց Յովհաննէս արքեպիսկոպոսը, որ նոյն տարուայ յուլիսի 30-ին կայսերական հրովարտակով հաստատուեց, իսկ նոյեմբերի 8-ին Հրեշտակապետաց տօնի օրն ընդունեց կաթողիկոսական սուրբ օծումն: Կաթողիկոսն

այնուհետև միքանի կարևոր կարգադրութիւններ անելուց յետոյ՝ որոնք վերաբերում էին ս. Էջմիածնի ընդհանրական կաթողիկոսի գերիշխանութեան և Տաճկաստանի յարաբերութեանը, սկսեց զբաղուել ներքին կարգադրութեամբ, այն է՝ վերանորոգեց տպարանը և տպագրեց եկեղեցական գրքերը, վճարեց ս. Էջմիածնի բոլոր պարտքերը և մինչև անգամ մի գումար ևս յետաձգելով, գրեց արքունական գանձարանը՝ Մայր Աթոռի անունով. շինեց նաև ս. Էջմիածնում միքանի կարևոր շինութիւններ: Սրա կաթողիկոսութեան օրով 1836 թ. գրուեց և կայսրից հաստատուեց այն գրաւոր Սահմանադրութիւնը (Պօլոժենիա), որով պէտք է կառավարուէին Ռուսաստանի Հայոց եկեղեցիները և եկեղեցական վարչութիւնները: Ահա այդ կանոնադրութեան հիման վրայ 1837 թուին փետրվարի 22-ին ս. Էջմիածնում բացուեց Սինօզը:

Յիշեալ Բարձրագոյն կարգադրութեան համաձայն Ռուսահայերն ունեցան հետևեալ հոգևոր հաստատութիւնները.

Ս. Էջմիածնում Սինօզ, որի նախագահն

է Վեհափառ Հայրապետը ութ անդամներով, որոնք կարող են լինել եպիսկոպոսներ և վարդապետներ:

Ռուսաստանի վեց վիճակում բացուեցին Սոսիստորիաններ, որոնց նախագահներն են թեմակալ առաջնորդները չորս անդամներով: Անդամներից մինը լինում է վարդապետ կամ առաջ քահանայ, իսկ մնացածները քահանաներ: Ռուսաստանի վեց վիճակները կազմում են հետևեալ թեմերը.

1. Երևանայ վիճակ, 2) Նոր-Նախիջևանի կամ Բեսարաբիայի, 3) Հաշտարխանի,
- 4) Վրաստանի և Իմերեթի, 5) Շիրուանու կամ Շամախու և 6) Ղարաբաղի վիճակ:

Իւրաքանչիւր թեմի մէջ որոշուած գաւառական բաղաբներում բացուած են Հոգևոր կառավարութիւններ, որոնց նախագահում են տեղական յաջորդները, որ սովորաբար լինում են վարդապետ կամ առաջ

Իսկ քահանայ անդամներով:

Գործակալներ կամ եկեղեցիների բարեկարգութեան վերատեսուչներ, որոնք մեծ բաղաբներում ընտրվում են Առաջնորդից, իսկ գաւառական բաղաբներում Յաջորդից

կամ Հոգևոր կառավարութիւնից, որոնք կառարում են իրանց մերձաւոր Հոգևոր իշխանութեան յանձնարարութիւնները և հսկում եկեղեցիների և եկեղեցականների բարեկարգութեան վրայ. սրանք սովորաբար լինում են քահանաներ:

Յովհաննէս Վարբեցին՝ վարելով իւր իշխանութիւնը տասնևմի տարի, վախճանուեց 26 մարտի 1842 թ. և թաղուեց ա. Էջմիածնի զանգակատան հիւսիսային կողմում:

ՆԵՐՍԷՍ Ե. ԱՇՏԱՐԱԿԵՑԻ ԿԱԹՈՂԻԿՈՍԸ

Յովհաննէս Վարբեցու մահուանից յետոյ՝ նոր Պօլօթենիայի համաձայն 1843 թուին Ռուսաստանի, Տաճկաստանի և Պարսկաստանի ազգայինների պատգամաւորների մասնակցութեամբ միաձայն ընտրուեց կաթողիկոս Նոր-Նախիջևանի և Բեսարաբիայի առաջնորդ Ներսէս արք-եպիսկոպոս Աշտարակեցին և Նիկողայոս Ա. կայսրից հաստատուեց նոյն թուականի օգոստոսի 10-ին:

Ներսէսը՝ իբրև հանձարեղ և գործունեայ

Հոգևորական շատ յարգուած էր ամենքից: Սա Վրաստանի և Իմերէթի թեմի առաջնորդութեան ժամանակ 1822 թ. Թիֆլիզում հիմնեց մի հոյակապ ուսումնարան, որ կոչվում է այժմ Ներսիսեան Ազգային Հոգևոր Դպրոց՝ հիմնադրի անունով, որպէսզի Հայոց լեզուն և կրօնի ուսումն առաջ տարուի: Նա կարողացաւ նիւթական ապահովութիւն տալ դպրոցին՝ ձեռք բերելով զանազան անշարժ կալուածներ թէ և ս. Էջմիածնի կալուածների արդիւնքով և թէ ժողովրդի առատաձեռն նուիրատուութեամբ: Սա էր, որ առաջին անգամ սաճմանեց եկեղեցիներու՝ շափաբերական մատենաններ ծնուածների, պատկուածների և վախճանուածներին գրելու համար, նոյնպէս երէցփոխներ՝ իւրաքանչիւր եկեղեցում, տալով նրանց հաշուեմատեաններ՝ գրելու եկեղեցական արդիւնքները, որ մինչև այդ ժամանակ աւագ քահանաների ձեռքումն էին: 1826 թուին Պարսից պատերազմի ժամանակ Ներսէս Երևանի և ս. Էջմիածնի ազատութեան համար բաւական աշխատեց Ռուսաց զօրքի հետ, և երբ նա նուիրուած

իւր հիմնած դպրոցին աշխատում էր նրան բարեկարգել՝ հրաւիրելով Փարիզից Շահան-Ջրպետ գիտնականին և Մոսկուայից Ալամդարեան հռչակաւոր վարդապետին կրօնասոյց և ուրիշ բանիմաց անձանց, յանկարծ 1828 թ. նշանակվում է Բեսարաբիայի առաջնորդ և ուղևորվում է իւր նոր պաշտօնատեղին:

Ներսէսն իբրև կաթողիկոս՝ Կ. Պօլսի պատրիարքարանի հետ պաշտօնական յարաբերութիւններ վերահաստատելուց յետոյ, սկսեց զբաղուել ս. Էջմիածնի շինութիւններով, ս. Քայիանէի վանքին յօտիկ մի անտառ ձգեց և անտառին կից շինեց մի բնդարձակ լիճ և այսպիսով բաւական մարտեց ս. Էջմիածնի ծանրատար օղբ. մի մշակած կանոնադրութեամբ հաստատեց ս. Էջմիածնում Վանական կառավարութիւն, որ կազմուած է մի նախագահից և երկու անդամից: Ս. Էջմիածնում հիմնեց նաև շերամապահութեան և շաքարի գործարան, բայց յաջողութիւն չունենալով դադարեց: Եւ որովհետև Ներսէսը իւր գլխաւոր ուշադրութիւնը դարձրեց Աթոռի տըն-

տեսական մասը կանոնաւորելու, այս պատճառով դպրոցի և տպարանի գործերը մնացին անխնամ: Վիճակում նշանակում էր կառավարիչներ, փոխանակ հաստատուն Առաջնորդի, և յաջորդների ու գործակալների պաշտօնի մէջ կարգում էր վիճակներում աշխարհական մարդիկ, որոնցից ստանալով վիճակային բոլոր արդիւնքները, գործադրում էր իւր ձեռնարկած շինութիւնների վրայ:

Ներսէս կաթողիկոսը մեծ մասը անց էր կացնում Թիֆլիզում, ուր և վախճանուեց յանկարծակի մահուամբ 13-ն փետրուարի 1857 թուի: Մարմինը մեծ հանդէսով փոխադրեցին ս. Էջմիածին և թաղեցին Դանիէլ կաթողիկոսի դերեգմանի մօտ: Ներսէս Աշտարակեցու տապանաբարի վրայ արձանադրուած է՝ «Պաշտպան Հայրենեաց» նշանաւոր խօսքերը: Իսկ Ներսիսեան դպրոցը՝ իւր հիմնադրի յիշատակը յաւերժացնելու համար ամենայն տարի փետրվարի 14-ին, Տեառնընդառաջի օրը, Թիֆլիզի բոլոր հոգևորականների մասնակցութեամբ հոգեհանդիստ է կատարում:

ՄԱՏԹԷՈՍ ԵՒ ԳԷՈՐԳ ԿԱԹՈՂԻԿՈՍՆԵՐԸ

Ներսէս Ե. կաթողիկոսի մահից յետոյ ս. Էջմիածնի ընտրողական ժողովում կաթողիկոս ընտրուեց Կոստանդնուպօլսի նախկին պատրիարք Մատթէոսը 1858 թուին և կայսերական հրովարտակով հաստատուելով, նոյն թուի օգոստոսի 15-ին ընդունեց Հայրապետական ս. Օծումն:

Մատթէոս կաթողիկոսը՝ իւր իշխանութիւնը ստանձնելուց յետոյ աւելի զբաղվում էր գրական աշխատութիւնով, քան Հայրապետական գործերով: Ունի հայերէն գրաբար և աշխարհաբար զանազան կրօնական բովանդակութեամբ 12 հատոր գրքեր, որոնց մէջ նշանաւոր են «Հանդէս ուղղափառութեան Հայաստանեայց ս. եկեղեցւոյ» և «Բարի մարդ և բարի բրիստունեայ» գրքերը: Ներսիսեան դպրոցի կառավարութեան համար տուաւ մի նոր կանոնադրութիւն՝ տպագրուած 1866 թուին: Թէ թեմական և թէ գաւառական բաղաբներում բաց արաւ երկսեռ ծխական դպրոցներ և իւր ժողովրդասէր բնաւորութիւնով

վանքերի եկամուտները յատկացրեց դպրոցներին և այսպէս ութ տարի կառավարելով ս. Էջմիածնայ Աթոռը, վախճանուեց 1865 թուին և թաղուեց ս. Քայիանէի վանքի գաւթում:

Հոգևոր հաստատութիւններ  
Տաճկաստանում և Պարսկաստանում:

Որովհետև Հայ ժողովուրդը բացի Ռուսաստանից գտնվում է նաև Տաճկաստանում և Պարսկաստանում, ուստի ամենայն Հայոց Հայրապետը Ռուսաստանի և Պարսկաստանի Հայոց բոլոր հոգևոր գործերը իւր անմիջապէս իշխանութեամբ է կառավարում, իսկ Տաճկաստանինը՝ Կոստանդնուպօլսի պատրիարքի, որ սովորաբար լինում է արքեպիսկոպոս՝ ձեռնադրուած ս. Էջմիածնում ամենայն Հայոց Կաթողիկոսից և համարվում է փոխանորդ Կաթողիկոսի: Բացի Կ. Պօլսի պատրիարքից կայ և Երուսաղէմի պատրիարքը, որ կառավարում է Պաղեստինի հայ եկեղեցիները՝ Կոստանդնուպօլսի կենդրոնական իշխանութեան հրս-

կողութեան տակ: Կ. Պօլսի հայ պատրիարքը եկեղեցական վարչական մասը կառավարում է ինքնին, իսկ կրօնական խնդիրներում հրահանգվում է ս. Էջմիածնի ամենայն Հայոց Կաթողիկոսից:

Բացի Կ. Պօլսի և Երուսաղէմի պատրիարքներից Տաճկաստանում կան նաև երկու մասնաւոր կաթողիկոսներ, այն է՝ Սսի և Աղթամարի, որոնք իբրև վիճակաւորներ՝ իրանց թեմերում գործում են Կ. Պօլսի պատրիարքի իրաւասութեան տակ, միայն իրաւունք ունին իրանց վիճակների համար ս. մեռօն օրհնել և պատրիարքի կարգադրութեամբ եպիսկոպոսներ ձեռնադրել:

Տաճկաստանում սահմանուած են հետևեալ Հոգևոր-վարչական հաստատութիւնները. 1) Ազգային ընդհանուր ժողով, որ գումարվում է Կ. Պօլսում պատրիարքի նախագահութեամբ ու մի աշխարհականի ատենապետութեամբ և 120 անդամների մասնակցութեամբ. 2) Կրօնական ժողով՝ նախահոլութեամբ պատրիարքի և ատենապետութեամբ մի եպիսկոպոսի, որի անդամները հոգևորականներ են. 3) Քաղաղաբական ժողով

նախագահութեամբ դարձեալ պատրիարքի  
 և աշխարհական ատենապետի, անդամներն  
 են աշխարհական անձինք, և 4) Խառն ժողով՝  
 երբ Կրօնական և Քաղաքական ժողովները  
 միանում են:

Պարսկաստանն ունի երկու առաջնորդ-  
 առաջինը Ատրպատականի, որի առաջնորդ-  
 անիստն է Թաւրիզը, երկրորդը Պարս-  
 կաստանի և Հնդկաստանի, որի առաջնորդ-  
 անիստն է Սպահան: Սրանք անկախ միմեան-  
 ցից՝ ազատ կերպով կառավարում են իրանց  
 թեմերը և միայն պատասխանատու են ամե-  
 նայն Հայոց Կաթողիկոսի առաջ:

Մատթէոս կաթողիկոսի մահից յետոյ  
 1866 թուին ս. Էջմիածնում գումարուած  
 Ազգային ժողովում ընտրուեց Գէորգ արքե-  
 եպիսկոպոս, Բրուսսայի վիճակի առաջնորդը,  
 որ նոյնպէս եղած էր Կ. Պօլսի պատրիարք և  
 հաստատուելուց յետոյ 1867 թ. մայիսի  
 20-ին ս. Էջմիածնում ընդունեց Հայրապե-  
 տական ս. Օծումն Գէորգ Դ. անունով:

Գէորգ Դ. իւր օծումից յետոյ, առա-  
 ջին գործը համարեց ներկայանալ կայսեր և

ապա 1868 թուին վերադառնալով ս. Էջ-  
 միածին, զբաղուեց Աթոռի ներքին բարե-  
 կարգութեամբ: Նրա ձեռնարկած նշանաւոր  
 գործերն են՝ «Արարատ» ամսագրի հրատա-  
 րակութիւնը, թանգարանը, Գէորգեան ճե-  
 մարանը և այլ շինութիւնները ս. Էջմիա-  
 ծնում: Սրա ժամանակ հայկական ձայնա-  
 գրութիւնը պարտաւորական դարձաւ իւ-  
 րաբանչիւր բաժանայացուի համար: Որոշ  
 կանոններ հրատարակեց նշանադրութեան,  
 տգէտ բաժանայացուների և այլ ներքին բա-  
 րեկարգութիւնների համար. բայց ափսոս որ  
 ոչ մինը գործնական նպատակի չհասաւ, ո-  
 րովհետև նրա հրատարակած կանոնները  
 շատ անգամ 'ի չարն էին գործ դնում իր  
 ստորագրեալները. օրինակ՝ փոխանակ պա-  
 կասելու տգէտ բաժանանների թիւը, ընդ-  
 հակառակը՝ օր ըստ օրէ աճում էր:

Գէորգ կաթողիկոսը տոկուն բնաւորու-  
 թիւն ունենալով, ինչպէս որ եռանդուն  
 գործունէութեամբ մաքառում էր ներքին  
 գործերի խոչընդոտների դէմ, այնպէս էլ հե-  
 աատես և զգոյշ էր արտաքին բոլոր յարա-  
 բերութիւնների մէջ: Սյսպէս վարելով Հայ-



րապետական գաՏը 1867—1882 թ., վախճանուեց նոյն թուի ղեկտեմբերի 6-ին և թաղուեց ս. Էջմիածնի զանգակատան հիւսիսային կողմու:

29.

ՄՍ.ԿՍ.Ր ԿՍ.ԹՈՂԻԿՈՍԸ ԵՒ Ա.ԶԳԻՄ ՆԵՐԿՍ.Յ ՀԱՅՐԱՊԵՏ ՄԿՐՏԻԶ ՀԱՅՐԻԿ

Գէորգ Գ.-ի մասհից յետոյ ս. Էջմիածնում կատարուեց կաթողիկոսական ընտրութիւն և այս անգամ միաձայն ընտրուեց Զմիւռնիայի առաջնորդ Մելքիսեդէկ եպիսկոպոս Մուրադեանը և ձայնից համեմատական առաւելութեամբ Նոր-Նախիջևանի և Բեսարաբիայի թեմի առաջնորդ Մակար արքեպիսկ., վերջինս հաստատուեց 1886 թուին: Մակար կաթողիկոսը իբրև խիստ կրօնական՝ շատ նախանձախնդիր էր ղէպի մեր եկեղեցական աւանդութիւնները, որի համար նա յայտնի էր իբրև աւանդապահ եկեղեցու, ինչպէս որ ինքն էլ իւր համար շատ անգամ ասում էր. «Թող ժողովուրդը ինձանից ոչ մի նոր բան չսպասէ, բաւական է, որ կարողանամ եղածը պահպանել»: Այդ

խօսքերն ուղղակի բնորոշում են նրան: Նա բնաւորութեամբ լինելով վերին աստիճանի զգոյշ, շատ անվստահ էր մի նոր գործի ձեռնարկութեան ժամանակ: Սրա միջնորդութեամբ բացուեցին մեր փակուած ծխական դպրոցները և այդ դպրոցների բարեկարգութեան համար կանոններ և ուսուցիչների համար վարկ սահմանուեց: Հինգ տարի վարելով Հայրապետական իշխանութիւնը, վախճանուեց 1891 թ. ս. Էջմիածնում և թաղուեց կաթողիկոսների շարքում:

Մակար կաթողիկոսի մասհից յետոյ ս. Էջմիածնի ժողովն ընտրեց Մկրտիչ արքեպիսկոպոս Խրիմեան Հայրիկին և Մատթէոս եպիսկոպոս Իզմիրլեանին\*):

1893 թ. Խրիմեան Հայրիկը հաստատուեց կայսրից Կաթողիկոս ամենայն Հայոց: Նորին սուրբ Օծութիւն Տ. Մկրտիչ Ա. վարում է այժմ Հայրապետական իշխանութիւնը ժառանգելով Լուսաւորչական գաՏը, որի յարատևութեան և Գահակալի բարօրութեան ու ազգօգուտ գործունէութեան

\*) Որ ընտրուեց Կ. Պօլսի պատրիարք 1895 թ.:

համար աղօթում է համայն հայ ժողովուրդը  
և Հայաստանեայց սուրբ եկեղեցին:

30.

ՀԱՅՈՑ ՆՇԱՆԱԻՈՐ ՎԱՆՔԵՐԸ

Քրիստոնէական առաջին դարերում վա-  
նական և կրօնաւորական վսեմ կեանքին  
նուիրվում էին այնպիսի անձինք, որոնք ի-  
րանց հաստատուն հաւատով ցանկանում  
էին հասնել գերագոյն և յաւիտենական եր-  
ջանկութեան՝ մեռցնելով իրանց մէջ աշխար-  
հային ամեն տեսակ հրապուրիչ վազան-  
ցուկ ցանկութիւնները, և այս նպատակի  
համար հեռանալով աշխարհից ընտրում էին  
վանքերը, ուր նուիրվում էին միմիայն Աս-  
տուածահաճոյ գործերին:

Հայոց մէջ առաջին անգամ Գ. դարում  
կրօնաւորական կեանքը սահմանեց ս. Գրի-  
գոր Լուսաւորիչը. երբ Վեսարիայից բերաւ  
իւր հետ Անտօն և Կրօնիդէս կրօնաւոր-  
ներին և Տարօն նահանգում հիմնելով ա-  
ռաջին վանքն ու այնտեղ ամփոփելով ս.  
Կարապետի մասունքը՝ յանձնեց յիշեալ եր-  
կու կրօնաւորներին: Այդ վանքը կոչուեց

Պրակայ կամ Մշու ս. Կարապետի վանք:  
Վանքերի մէջ ամենից նշանաւորը թէ  
իւր անցեալով և թէ ներկայով հանդիսա-  
նում է մեր ս. Էջմիածինը, որ հիմնեց Վա-  
ղարշապատում ս. Գրիգոր Լուսաւորիչը:  
Նշանաւոր է նրա համար, որ այնտեղ են  
գտնվում Հայոց Հայրապետի Աթոռը և մեր  
նշանաւոր սրբութիւնները, այնտեղ են օծ-  
վում մեր կաթողիկոսները և ձեռնադրվում  
եպիսկոպոսները, այնտեղ է օրհնվում ս.  
մեռոնը և նա է իսկապէս հայ-քրիստոնեա-  
ների կրօնական միութեան և լուսաւորու-  
թեան կենդրոնը:

Ս. Էջմիածնի շուրջն են գտնվում ս.  
Հռիփսիմէի, ս. Գայիանէի և Շողակաթի  
վանքերը, որ նոյնպէս հիմնարկուած են  
ս. Գրիգոր Լուսաւորիչից. Խոր Վիրապը,  
սուրբ թարգմանիչ Մեսրոպի անունով եկե-  
ղեցին Օշական գիւղում, և այլն:

Երևանի թեմում նշանաւոր են կարմիր  
վանքը Հին-Նախիջևանի ձառ, Խնձկօնից  
վանքը Անի բաղաբի ձառ, հռչակաւոր Տա-  
թևը, Սևանայ վանքը, ս. Գեղարդայ վանքը,  
ս. Մողնին, Երնջակի ս. Կարապետը, Աղէբ-

սանդրապոլի ժօտ Հառիճոյ վանքը, և այլն:

Տփխիսի թեմով՝ Հախպատ, Սանասին, Հաղարծին և Քօշայ հռչակաւոր վանքերը Քուզարաց աշխարհում, Չարէբայ վանքը Քանձակի նահանգում, և այլն:

Հարաբաղի թեմով՝ Քանձասար, Ամարաս և Խօթայ վանքերը, որոնց մէջ երբեմն գոյութիւն են ունեցել դպրոցներ, բայց այժմ նշանաւոր են իրանց անցեալով և ճարտարապետական փառաւոր կերտուածներով:

Նոր-Նախիջևանի և Բեսարաբիայի թեմով՝ Խրիմի ս. Խաչ վանքը, որի անունով Նոր-Նախիջևանի «Սուրբ-Խաչ» վանքը հիմնեց՝ Յովսէփ արքեպիսկոպոս Արղութեանը՝ հայերին Խրիմից այնտեղ գաղթեցնելուց յետոյ:

Ս. Էջմիածնից յետոյ նշանաւոր է նաև Երուսաղէմի սուրբ Յակոբեանց վանքը բազմաթիւ միաբաններով և պատրիարքով: Երուսաղէմն ունի դպրոց և տպարան, ուր հրատարակվում են զանազան հեղինակութիւններ: Բացի ս. Երուսաղէմից Տաճկաս-

տանի գաւառներում ևս կան վանքեր, օրինակ՝ Արմաշու ս. Աստուածածին անունով վանքը, որ նոյնպէս ունի դպրոց: Վարաբայ ս. Նշանի վանքը՝ Վանայ ժօտ Վարագում, երբեմն Խրիմեան Մկրտիչ վարդապետի (այժմ Ազգիս Վեհափառ Հայրապետ) վանահայրութեան օրով կար դպրոց և տպարան, ուր հրատարակվում էր «Արծուի Վասպուրական» ամսագիրը:

Վանայ ծովի կղզիների վրայ կան Աղթամարայ վանքը, ուր նստում է Աղթամարի կաթողիկոսը, Կառուց և Լիմ անապատները իրանց խստակրօն միաբաններով և ս. Բարդուղիմէոս առաքեալի վանքը:

Պարսկաստանում են մեր առաջին լուսաւորիչներից մէկի—ս. Թադէոս առաքեալի վանքը պարսկահայոց Մակու բաղաբի Աղբակ գաւառում, Արտազու զաշտում, և Չուղայի ս. Սմենափրկիչ վանքը Սպահանում: Սրանք թէպէտ ժամանակով յայտնի են եղել իրանց նիւթական և բարոյական ազդեցութեամբ, սակայն ներկայումս այն չեն ներկայացնում շնորհիւ անկիրթ մահմեդականների: Միայն Չուղայի

Ամենափրկչեան վանքն է, որ լինելով աթոռ-  
Հնդկաստանի և Պարսկաստանի առաջնորդի,  
որ ըստ օրէ պայծառանում է դպրոցական  
հաստատութիւններով և վանական բարե-  
կարգութեամբ:

Երկու վանք էլ ունին հայ-կաթողիկ-  
ները՝ մէկը Վենետիկի ս. Ղազարի վանքը,  
որի հիմնարկողն է հայազգի նշանաւոր  
Մխիթար Սեբաստացի կրօնաւորը: 17-րդ  
դարում այս ուսումնասէր և գործունեայ  
կրօնաւորը հիմնելով յիշեալ վանքը՝ հետըզ-  
հետէ ժողովեց իւր մօտ իրան հետևողներ,  
նպատակ դնելով ծաղկեցնել հայ գրակա-  
նութիւնը հին հեղինակների հրատարակու-  
թեամբ: Միւս վանքն է Վիեննայի Մխի-  
թարեան վանքը, որ հաստատել են Վե-  
նետիկի միաբանութիւնից բաժանուած մի-  
բանները. այս վանքն էլ հայ հին գրակա-  
նութեան համար մի ուսումնավայր է:

Վ Ե Ր Զ

### Յ Ա Ն Կ

Երես

Մի քանի խօսք գրքոյկիս լոյս ընծայելու  
առիթով . . . . . 5

Շ Ր Զ Ա Ն Ա.

Քրիստոնէական եկեղեցին Առաքեալների  
ժամանակ:

1. Քրիստոնէական եկեղեցու սկզբնաւորու-  
թիւնը.—Մաղաթիայի ընտրութիւնը և  
ս. Հոգւոյ գալուստը . . . . . 7
2. Քրիստոնէութեան առաջին տարածումն Ե-  
րուսաղէմում և եօթն սարկաւազների  
ընտրութիւնը . . . . . 10
3. Քրիստոնէական եկեղեցու առաջին թշուա-  
ռութիւնը.—Ս. Ստեփաննոսի նահատա-  
կութիւնը և հալածանքը հրեայ և հե-  
թանոս ազգերից . . . . . 12
4. Սողոսի դարձը և քրիստոնէութեան տարած-  
ուելը Սամարիայում և Կեսարիայում . . . . . 15
5. Պողոս առաքեալի ճանապարհորդութիւնը և  
նրա հիմնած եկեղեցիները . . . . . 20
6. Յիսուսի միւս առաքեալների վախճանը . . . . . 23

Շ Ր Զ Ա Ն Բ.

Երես

Հայոց եկեղեցու համառօտ պատմութիւնը:

- 7. Քրիստոնէական հաւատի սկզբնաւորութիւնը Հայաստանում և նախկին լուսաւորիչներ.— ս. Ոսկեանց և Սուքիասեանց նահատակութիւնը . . . . . 25
- 8. Հայաստանի երկրորդ Լուսաւորիչ ս. Գրիգորի ծնունդը.— Անակի Հայաստան գալը և ս. Գրիգորի Խոր վերապ ձգուելը . . . 31
- 9. Ս. Հռիփսիմեանց Հայաստան գալը և ս. Գրիգորի վերապից դուրս ելնելը . . . 35
- 10. Ս. Լուսաւորչի տեսիլքը և Հայաստանի Հայրապետ ձեռնադրուելը . . . . . 39
- 11. Ս. Գրիգորը մկրտում է Տրդատին և նրա ընտանեաց.— Ս. Էջմիածնի շինութիւնը և Հայաստանի լուսաւորութիւնը . . . 42
- 12. Լուսաւորչի առանձնակեաց կեանքը.— Արիսոսի մտրութիւնը և ս. Գրիգորի մահը. . . 45
- 13. Ս. Խաչի գիւտը Հեղինէ թագուհու բարեպաշտ ջանքով . . . . . 48
- 14. Ս. Գրիգոր Լուսաւորչի յաջորդները՝ ս. Արիստակէս, Վրթանէս, Յուսիկ և Դանիէլ կաթողիկոսները . . . . . 50
- 15. Մեծն Ներսէս, նրա մեծագործութիւնները և վախճանը.— Կ. Պօլսի ս. Ժողովը . . . 54

Շ Ր Զ Ա Ն Գ.

- 16. Ս. Սահակ Պարթև, սրա գործունէութիւնը Հայ եկեղեցու պայծառութեան և ժո-

Երես

- ղովրդի մտաւոր զարգացման օգտին.— Ս. Մեսրոպ Մաշտոց.— Հայկական տառերի գիւտը և ս. Գրքի թարգմանութիւնը. . . 61
- 17. Տիեզերական Ժողովներ . . . . . 69
- 18. Կրօնական պատերազմ Հայոց և Պարսից մէջ.— Ատովմեանց նահատակութիւնը.— Պարսից Յազկերտ թագաւորի ջանքը՝ իւր հպատակ քրիստոնէաներին կրակապաշտ դարձնելու . . . . . 72
- 19. Աւարայրի պատերազմը և ս. Վարդանանց և Ղևոնդեանց նահատակութիւնը . . . 82
- 20. Մեր եկեղեցու նշանաւոր կաթողիկոսները Մ-րդ դարում . . . . . 86
- 21. Քրիստոսի դաստառակի յայտնութիւնը և փոխադրութիւնը Եգեսիա քաղաքից Կ. Պօլիս . . . . . 89
- 22. Ս. Խաչի գերութիւնը Պարսկաստան և վերադարձը.— Վարադայ ս. Խաչի յայտնութիւնը . . . . . 92
- 23. Ներսէս Շնորհալի . . . . . 94
- 24. Գրիգոր Տղայ և Ներսէս Լամբրոնացի . . . 98

Շ Ր Զ Ա Ն Դ.

19-րդ դարի մեր կաթողիկոսները


- 25. Յովսէփ արքեպիսկոպոս Արղութեան և Եփրեմ կաթողիկոսները . . . . . 103
- 26. Յովհաննէս Ը. Կարբեցու կաթողիկոսութիւնը և Հայոց եկեղեցու Վարչութեան կազմակերպութիւնը Ռուսաստանում. . . 106

	<b>Երես</b>
27. Ներսէս Ե. Աշտարակեցի կաթողիկոսը . . . . .	109
28. Մատթէոս և Գէորգ կաթողիկոսները և հոգևոր հաստատութիւններ Տաճկաստանում և Պարսկաստանում. . . . .	113
29. Մակար կաթողիկոսը և Ազգիս ներկայ Հայրապետ Մկրտիչ Հայրիկ . . . . .	118
—	
30. Հայոց նշանաւոր վանքերը . . . . .	120



**Վ Ր Ի Պ Ա Կ Ն Ե Ր**

<b>Երես</b>	<b>7 տող</b>	<b>1 ներքևից</b>	<b>Տպուած է.</b>	<b>Պէտք է լինի.</b>
"	10	2 վերևից	Հեթանոսներ, ի ղէմում	Հեթանոսների լոյս ղէմում
"	43	11 "	գտնում	գտնվում
"	58	1 ներ.	գործա-	գահա-
"	73	7 "	դառնան,	կը դառնան,
"	85	1 "	կռակապաշտ.	կրակապաշտ.
"	88	12 վեր.	հան-	յան-
"	90	4 "	որի	որմի
"	93	5 "	կառարելով տօն,	կատարելով, տօն
"	108	6 ներ.	աւագ	աւագ քահ. երկու



Գրքոյկս ունենալ ցանկացողները պէտք է դիմեն՝  
„Կենդրոնական“ և „Գուտաենբերգ“ գրազատարանոց-  
ներին կամ կազմողին հետևեալ հասցեով՝

Тифлисъ, Бебутовская улица, д. № 50.

Протоіерею Оганесу Мартиросянцъ.

---

Գինն է 35 կ.

Ճանապարհածախսով՝ 40 կ.

---

« Ազգային գրադարան



NL0165309



281-91-54 (09)

U-38